



黃山遊草序



雁公住黃山丹臺凡十年近卓錫安國寺
海隅僻陋無山水之觀日與天眼師坐對
當鬱鬱也暇日以舊所著黃山遊草介余
姪適齋示余乞數語弁其端余讀之謂適
齋曰汝亦知雁公之詩乎是黃山之雲也
適齋曰何以言之余曰黃山四千仞峰三
十有二而丹臺爲最勝是爲雲海觀雲者

必於是太白詩仙人鍊玉處羽化留餘踪
迴溪十六渡碧嶂盡晴空卽其地也至此
則諸峰俱在下旁見側出如蓮萼之紛敷
丹臺直其的也雲之初起飄若一縷繚繞
於層松絕壁間旣而蔚然勃然回旋於諸
峰之下繁如靈芝燦如綺繡澹如清湘之
波湧如滄溟之濤彌望瀆濠莫知其端倪
故黃山之雲獨以海稱雁公具絕俗之姿

抱遺世之慮處幽獨無人之境其心湛然
無營而奇遇薄射於外其思之起也輪囷
結轆幽閨窈眇而無所寄不得不發之於
詩而其詩亦不得不工亦猶丹臺所據者
勝故能盡雲之變而無遺雲無心爲山之
容而山亦無心爲雲之滙迫而相遭適而
相感卒成天地之至文也豈若世之尋枝
選葉傭目剽耳髯與古人一字一句以

爲工哉他日者雁公復爲黃山之遊以是
集與三十二峰更相印證歎覺境之屢遷
覽流雲之如故其所得必有過於曩時者
余更受而卒業焉其可也適齋曰善請書
之以爲序

康熙丙戌秋七月南陔居士陳元龍拜書



黃山遊草序

余性嗜山水天台雁宕羅浮武夷五臺大
小勞諸名山無不至至輒淹留旬月搜奇
剔勝不憚險遠頗爲詩文以發其勝槩然
終恨遊屐草草山川變態無窮耳目所接
有限雖盡慮竭思安能摹寫萬一計惟枕
石眠雲不限年月而後可以吾之筆墨發
山水之性靈第士夫縻於俗累方外罕能

搯觚能償此願者蓋亦希矣今年春遊黃
山聞有吳僧雁黃策杖來遊三年不返三
十六峰之顛人不能登者輒登之一松一
石有奇狀者輒繫以詩余心異之旣相見
則余同邑禪宿也初叅靈岩退翁繼從月
涵和尚上南嶽歸洞庭飽餐法乳而不自
足歷叩諸方不入保社發意徧遊名山腰
包頂笠興到卽行溪必窮源峰必登頂遇

絕勝處輒流連忘返雖忍饑凍不去最愛
雁宕黃山因自號曰雁黃遊覽之作匠心
獨構不循途輒而奇思警語旁見側出蓋
惟居山日久烟雲變幻晦明開合一一心
領神會筆之於詩如燈取影無不逼肖快
哉遊乎吾弗能逮也昔寒山拾得於破竈
邊漉殘菜食之或歌或舞題句石崖如詩
如偈自非豐干道破世皆謂之風狂今師

行履人未盡識余旣相遇不得不質言之
師亦將言此君饒舌否也

松陵舊史氏潘耒題



黃山遊草序

吳僧雁黃工於詩嘗遊雁宕天台縱觀龍湫
石梁之飛瀑繼登黃山盡挹天都之雲海遂
自號曰雁黃攜其黃山詩草數卷寄瓢笠於
吾鹽官之安國寺獨自吟賞如身在雁宕黃
山間與其舊儔相爲贈答里之人卒無有能
讀雁黃詩者或過而問之盛稱其篇什之富
曰此今日之皎然參寥也予初讀之謂其流

攬乎境地湧現乎與會靜觀乎元奧以故洋
灑自如而自成為雁黃之詩殆所云醴泉無
源芝草無根者耶予亟謁丈室雁黃手捧其
師月函詩集曰豐草庵則董說字若雨未爲
僧時之詩也曰寶雲則後號月函之詩也予
受而卒業焉嘆其不縛於唐宋人之習氣而
義理淵邃詞藻鮮澄逸似文房峭似東野淡
若浩然險若長吉而尤長於樂府年少時文

譽蔚起當鼎革後樓居不與人接者十許年
搜牢異書陰陽術數禮樂典故靡不洞徹著
書數萬餘言卒乃祝髮於靈巖繼老人襲淳
沱之正脈後老於堯封之紫石山噫其人之
避世而逃幽懷高節足以慰山靈而馴猿雀
者固已奇矣雁黃與之游處者最久悉舉月
函所讀之書領其大義詳其旨歸一旦解悟
忽呈一詩月函告之曰從此路入則幾於道

查月二
矣後遂勃勃雲興水湧機不可遏其松圖歌
多至二百餘首蓋得力於月函樂府之微諸
體皆自出機杼有足觀者雁黃留鹽官六七
年鬱鬱無可與語日讀月函詩悽然以泣踞
然以號少焉晬然以解暢然以喜夫善讀月
函詩者莫如雁黃故能吸取豐草寶雲之精
華而發而爲雁黃之詩雁黃月函又乃砥礪
高風融貫絕學有相得於語言文字之外者
詩亦其寄托焉耳寄之乎禪臻大鑒之堂道
入漏霜之室其能忘得力之自也歟雁黃目
無古人獨於其師寤寐不忘盥手欽誦予故
并述其所篤嗜以弁其首使人知讀雁黃詩
者不可不讀月函之詩而惜乎今之世無有
能讀月函之詩者也

鹽官龍山查嗣珣拜書



秋余適屆武林九月廿七日老人果西逝始知我負老人非老人之負我也他年道路口如碑

廿載空勞把淚痕孩提鞠育豈知恩南人北相親聞得

垂老飄零却妄言

老人嘗顧我日子南人北相後來定有些福分底今尚如此故云妄也

躡屩南詢伴釣翁

余年始二十卽隨老人浮湘後建湘雲館於古堯封之巔自題一聯曰本

是瀟湘一釣客自西自東自南北

察分蘭棹水烟中衡山縣令催夫役

時邑侯王公起夫馬百二十名竹輿六十頂躬送老人入南岳福嚴寺掃讓祖最勝輪塢

也趁籃輿

上祝融

初二日禮補船月函和尚墨舍利塢次日將欲告

行雨阻雲莊睡琴師兄出董宅所藏舊紙囑筆

書此志別

陳蔡當年幾及門老師去後與誰言

和尚雪阻西山太湖將四十餘日幾

至絕糧而斃余時執侍舟中同此厄也

白頭侍者空流涕長揖松風咽舊

恩

初三日題有遵陸先生畫軸

我少無師老作顛興耽泉石得真傳近來畫苑成行市

恐污青山不要錢

題禹公典客扇頭一絕

苦竹岡頭客子坡更聞山鳥叫哥哥水衝橋脚詩人怕

鞭打驢兒不肯過

黃山遊草 卷之二
初四日阜生記室將返五州山居臨行索筆詩以
留之

他人送汝我偏留索性同炊破竈頭縛取一茅遮二老
免教蕉葉費書郵

題畫贈性兼道兄

幽人獨坐怨芳蓀夜讀離騷深閉門流水也知心事苦
向他明月訴黃昏

初五日贈靈巖副寺果遂道兄

扶起砂盆掌上浮寒山竈冷滿眉愁君方屈臂能扛鼎
我亦垂涎喜食牛衆口噉呀譏勁骨一身倔強肯低頭

好啣東海填窮壑竭力師門老未休

初六日贈毘陵和卿沈太翁壽

註書門老舊松前又補南華第幾篇手植芝蘭饒國用
篋藏圖史得周傳吟詩倚杖胸無物喬首登山眼在天
遠叟近來寬酒禁還思一笑虎溪邊

老甘淡薄貌多豐一片和光氣自充晦跡塵中添白髮
談天麈尾握清風論交我愛推知己月旦人評亦此翁
近喜飡霞身更健眼睛漆黑反成童

初七日旣鹵道兄乞畫

野衲談禪互激揚打開濶步洒秋光興來肯到天台否

放胆同君賭石梁

初八日琴臺晚望

缺月如梭下嶺巔此中生趣句難傳西風作冷朝來硬

拗斷前村樹裏烟

初九日登天平山遲公衛有遵兩先生不至

有序

甲戌九月之朔與徐陸兩先生走札馳告洞主友雲

上人將高會於小石屋以作九日之遊而徐公破約

還鄉陸公亦愆期後至余從初八日預宿洞上明日

獨躡危崖一窺絕頂而去遂乘餘興再上古琴臺戲

吟一絕曰絕頂期人首更搔短筇有待反成勞天平

湖鏡

石面泉出如鏡下照太湖土人名之曰湖鏡

琴臺墦兩地重陽我獨

高而陸公方在太平道上立問採樵者以探余踪跡

採樵者曰向覩一僧朱履棕緇翩翩而逝矣

半路逢樵問此僧孤雲早已出峻嶒覆蕉易勘三更夢

墮甌難收九日登泛菊屆期人敗約褰裳牢把杖偕升

那堪負我茱萸會合罰初筵酒百朋

初十日木瀆蔡郁文索畫戲題

偶然弄筆寫秋姿山下樵家盡得知最苦人來無避處

前門索畫後催詩

十一日響屨廊書所見

松鼠如遊魚穿樹若穿水我忽掉頭看鬚鬆露其尾

十二日西山枕流居觀菊贈舍十大師

兩袂芬芳佩楚辭南山細雨荷鋤時僧中既有陶真士
官裏焉無遠法師學道半生惟灌菊工夫一種是編籬
我來恰值香初綻飽嚼秋英興可知

入室蕭然四壁垂分明人品近東籬棹將白露銜秋轉
杖不寒盟與菊期自厭敲門慚舊面更煩刮目讚新詩
看花客散余方到勞此風鱸又一炊

十三日過鉢峰草堂夜宿綠箋齋

老梅杖月照籬門曾搭當年破笠痕此座久虛余再補

惟神乍過跡還存水疑擊筑聲堪和山當看書喜更溫
自許幽懷香滿握愁腸入夜繞蘭蓀

閒憑野興愛秋尋復整書裝返舊林月倩晚花開冷笑
風敲幽竹助清吟牀頭破履天涯夢松下殘碁物外心
身似孤舟隨處泊一竿陸地聽浮沉

十四日別香鉢道兄

吏部墳前石馬寒香鉢卽文敏徐公之後也挑燈提着淚頻彈明年

五月思君處落口楊梅火一團

十五日畫贈扶坤道兄

鳥啄霜華頌伐柯滿山紅葉貌如醜年來一味尊平澹

偏愛秋林着色多

十六日寄別包山則仙道侶

贈我長箋和未成每開書篋見君情入山更恐煩茶竈
聊託樵夫話一聲

十八日別枕流居舍十大師

平生有志恥求安事業猶欣未蓋棺乍可杯中勤滿覆
不勞書裏勸加飡百年漸見前期促千里須知後會難
何日剪燈重話舊却憑君手借漁竿

柴門剝啄往來頻垂老分離感最真鳥喚夕陽留去客
風吹別淚洒遊塵半簾疎雨花邊屐一枕寒流局外人

白髮更憐還入社不知泥水已通身

十九日閒牕戲墨

寒山不是劫前塵那有風霜入此身報謝胭脂休溷我
畧教澹墨寫天真

二十日得友山和尚書

十載燕臺隔夢思江山磨盡老頭皮兩人心事同冰雪
說向東風也不知

寄懷遯翁大師

不具超方眼誰能識此翁詩成憂患裏道寄寂寥中自
惜斯人隱因嗟法運窮地鑪連夕話愁撥一星紅

二十一日畫寄遜翁

畫成磨墨自題詩寄上雲峯一解頤雪霰滿牀誰縮項
冷然懷抱可相宜

二十二日過晤遜翁臨行索畫

欲別牽衣索此圖愁腸歷亂筆模糊遊踪只在巔崖裏
君若相思試一呼

二十三日東南峯祖鑒大師

南峯路口踏香車

祖公南院地接觀音山

門裏幽禽語落花遲汝

不來聊緩坐

春日過訪南峯不遇

閒房春試雨前茶

二十五日贈別爾豐爾登兩道翁

甲戌春余觀梅石壁忽晤子桓張子於七十二峯閣

凭欄四望快談山水因欣然同步過訪斐文金先生

於茶山書院潭東隱叟爾豐爾登兩昆仲留飯山齋

而別余將有古歛之行簡寄二律

雪屐穿梅閣外聞冷披鶴氅自超羣閒居餉客無多品

小酌因僧不費葷一飯終身思二顧千峰隔面盼孤雲

入城倘晤金家倩

子桓即斐翁之快婿也

說我勞勞記此君

興被東風到處牽水邊踏盡又山邊皺眉琢句叅殘雪

東肚尋梅嚙突烟傾蓋立談殊面善開扉小坐結茶緣

此遊却喜無人識明日樵夫已浪傳

二十六日畫贈潭東二隱

曉行無伴過潭東
雪白梅花眼界空
記得二難留我處

一門合爨好家風

二十七日題扇再寄爾豐道長

眼趁晴牕筆趁心
寫來一塔漾秋林
要知枯木寒崖意

冷暖憑君扇裏尋

二十八日寄別三茅峰慧鑑大師

別後愁連笠澤深
廿年貧病兩關心
知君指上思遊子

定寫黃山入素琴

慧公善琴

三十日法海桐山道兄在過峰頭贈屐一緡未遑

裁答今將有黃山之遊走筆寄別

舍館當年愛遠清

昔蒙桐兄相招下榻清遠堂

秋蟲猶帶苦吟聲

知欲補黃山屐預贐雙鳧勸我行

十月

初一日坐落紅亭

一層叢樹一層石
年年葉落亭前赤
塔老天空鶉鴿飛

秋陽冷晒西施跡

初二日喜黃山之遊有期

輕裝此去費追攀
脚健知君不耐閒
近喜道容無滯色

眉間神彩鬪黃山

半百無家戀客途
驛星入命兩重孤
少年行脚今衰邁
已向人前薦老夫

初三日將爲歛遊有遵陸先生約至山頭祖我松
陰漸轉屐齒無聲戲吟二絕以作他日相思之

券

琴臺暫泊遠遊身
倚杖松門候葛巾
日暮山花應笑我
沒心人賺有心人

壯我遊囊許餞行
鐙燒鴨脚待君烹
迴風射壁搖松鬣
錯認長髯出戶迎

初四日與仁斯和尚病中言別

一牀風月興堪娛
坐看幽庭長綠蕪
香對磁鑪聊善遣
手摩如意亦工夫
閒憑花裏開新眼
笑揖燈前謝故吾
未老憐君先學老
踏秋頻喚短筇扶
清風爲我到巖阿
好把閒愁洗碧蘿
向日浮生忙裏去
回頭往事夢中過
無人入戶談吳語
有鳥窺牕和楚歌
偃臥匡牀非是疾
賀君捉敗老維摩

初五日寄別有遵陸先生

與君臭味似苔岑
託跡層巖結素心
僧趁晚花扶杖入
徑穿修竹打門深
樽前論道非關舌
絃外知音不借琴
聽說老髯勤夜讀
弱蘭無地避愁吟

地近柴桑不隔牛

西域以一牛鳴地為五里

上山落葉下山流黃花

有約憐同調白首無言奈此秋交滿天涯誰最好情通

方外爾偏優相思作證惟孤影特遣鐘聲到枕頭

上沙一等是樵鄉忽訝書聲出短牆門少雜賓撓午夢

樹多幽鳥話斜陽移家花裏人非俗課子山中義有方

近日才名推陸海要看博物賦長楊

門無閒草上堦墀抱膝空山寄所思擊楫懷人牽蕙帶

溯流託物剪江籬鳥銜翠袖穿花漫風護紅裙落地遲

此日老僧真破戒為君一讀繡鞋詩

先生咏物詩繡鞋一首獨艷絕余故

戲有翠袖紅裙之和非敢效覺範斷送玉容之艷語也

城居不愛愛山居日養空青好讀書劍挂牀頭聊備武

竿持水面漫求魚庾樓月滿情非淺謝屐秋深興未除

乍識荊州交恨晚渠今知我我知渠

初六日留別客司道瞻及靈巖兩序諸公

今年氣色比前佳連夕房星照草鞋老愛途中如屋裏

愁看身外卽天涯孤峰託興茅堪結千里相知杖與偕

悵望琴臺烟雨寺幾人搔首把詩懷

初七日別醉羅漢

一身枉作杞人憂難挽滹沱日下流嬾臥石牀呼不起

看君醉到幾時休

初九日自靈巖發行道出橫塘過晤自在庵風上和尙話別

南岳風高共一門廿年飄泊幾人存平生志不求溫飽
垂老心嘗念本根貧子自憐仍外走瓣香未報此中恩
誰扶七百滹沱運感慨燈前與細論

初十日寄懷利濟雪扶和尚

樓窄如船泛碧湘半牕斜挂硯池傍

向與雪兄同榻鏡清樓鼓琴於洗硯

池高山此夕重翻譜古調因君復舉觴淒惻和他孤鶴
唳寂寥寫我兩人腸渾身冷浸冰弦裏赤脚還疑踏曉
霜

十一日風上和尙命題畫冊

風高彭澤枕危岡歸去吟殘菊已黃有客蕩舟成故事
白衣送酒到柴桑

寺老江干對落暉布帆啣着斷鐘飛蘆中有地堪漁隱
何必逢人乞釣磯

墨堆老蘚一團肥亂砍青山信手揮要識南宮真面目
烟濛濛地雨霏霏

綠楊風襯馬蹄驕十里梨雲白板橋欲向青樓尋一醉
煩他隔岸酒旗招

莫笑漁翁一笠輕江湖亦有廟廊情柳腰十萬爭婀娜

喜見東風舞太平

十二日題抱琴圖贈雪扶和尚

聽寫幽蘭慰我思
梧桐月上點頭時
五湖彈徧誰知己
自薦平生一子期

十三日禹峰道兄善畫而乞余畫戲題一絕

青年潑墨愛塗鴉
禹兄有寒鴉枯木圖
衰髻偏工老樹叉
弄斧班

門君莫笑郢人斫鼻是生涯

十四日慧先道兄命題畫冊

年來畫理近精微
奪得南宮第一機
有屋在山雲在眼
子歸勸我不如歸

山郭吹笳賀曉天
霜花撒地大如錢
騎驢客子行何早

野店雞聲月一鞭

扁舟江上舉家登
此地遺風勝結繩
兒課網罟修世業
漁經一卷是傳燈

蓬脚伸腰健午風
船頭吸浪洞庭通
岳陽此去三千里

一夕飛來落眼中

破笠蒙頭帶髮僧
石橋無伴倚蒼藤
憑高只恐添愁緒
老去逢樓不敢登

閒來冷抱谷神遊
獨立空山有悟頭
會到無言誰作證

芭蕉剝盡晚風秋

十五日別澹遊高先生

六十年高道自尊巷深車轍滿苔痕我來乞取三株筆

昨寓自在庵索畫者頗多曾向先生丐筆一揖山人便出門

十六日姑蘇曉望

雙塔留身剩太空漁帆冷挂洞庭東朝陽一點窺城角
喚醒樓臺出霧中

十七日別慧先道兄

遠遊逢歲晚况復雨風兼不意多擔閣因君故久淹危
機身莫蹈薄俗口須箝相顧憐同病酸吟到鼻尖

十八日風上和尙出善紙索圖寫成而未知所屬

慨吟一絕

意在浮雲志在琴託身兩地散愁襟此圖流到人間去
自有知音知我心

二十日觀長年解維

纜解平江貌若驚離人淚逐棹歌生蒼茫故土誰相識
依舊城頭月送行

夜宿胥江

卽胥門日暉橋

一宿胥江似逐臣徘徊四望與誰親風將柳線牽愁袂
攔住船頭不放人

二十一 日 譙樓五鼓舟過吳江

黃山遊草 卷之一
家大人碧華潘先生挈母盧孺人崇禎章皇帝時自
八坂西官田灣卜宅江城至順治丁亥歲七月初三
日亥時生不肖於此地里名蕩上
臥入江城兩鬢皤愁經此地最難過慈烏樹上啼初歇
聽我蓬牕頌蓼莪

停午小泊平望過鶯脰湖舟進越來溪還望松陵

二作 始入浙中地界

故園怕見舊田疇蠟屐揀教賦遠遊纔進越溪剛一櫓
望鄉心切便回頭

二十二日同新安戴毓蕃武林李彤友會稽姚日

復朱瑞甫舟中分韻

與君不約喜同舟聽讀楊花散旅愁帆脚懸燈侵客夢
波心擲釣勝山遊青囊識面成奇遇白鳥窺人亦好逌
黃海有期難緩棹西湖應欠一登樓

誰憐老去只扁舟枕畔漁歌起暮愁秋晚雁衝殘葉盡
歲寒人載小春遊一時萍水欣同調千古班荆愜所求
坐眺芳塘聊寄傲臯亭山色似岑樓

夜抵武林借宿關下余爾賡家

垂老還行役中宵耿不眠禦冬衣尚薄借榻板何堅擊
柝風淒爾臨關月黯然途窮存我道慷慨憶前賢

二十三日謁新寺羅漢
江上逢新寺蒲牢臥不鳴
高僧頻蹙額火宅半開睛
滄海浮杯過天台帶笠行
羨君甘自了媿我尚南征

二十四日江頭晚眺

漫憑龜策問行藏
去住無家各渺茫
二十年中台雁客
秋風兩度過錢塘

二十五日錢塘江喜晤呂時敏

潯溪呂時敏去我鄉無三舍
數載知名而未謀面
一夕忽相見於錢塘江上
亦奇緣也
一葉西風下釣臺
相逢舉手問何來
名高不易當人洩

賺我江干且立猜

薄暮舟人祀神移泊六和塔下

拜祝江神割小鮮
長年起柁夜燒錢
我方與鼓黃山棹
塔醉如人也趁船

過富陽

十里烟墩又一塘
沙黃帆白轉斜陽
峰奇反覺書無味

掩卷篷牕過富陽

莫輕小縣倚江干
誇示南門榜大觀
城上大書我愛民

風聊暫泊禾登歲宴各清安
趁此西風力健時
帆爭走馬馬偏遲
白頭浪裏頻提筆

寫我愁中得意詩

近日舟居束草鞋好將詩課作生涯孤城做罷漁樵市

訟減官清晚閉衙

列岫爭奇興莫當閒看斜日弄鵝黃十洲圖裏曾先見

仇十洲有富春圖

畫我前身在富陽

老來漁釣漸相關盡日舟行目未閒翻怪晚風情太薄

急吹人過富陽山

霜染楓林樹樹花女牆缺處見人家停撓袖手閒無事
坐閱漁翁飯水鴉

二十六日曉過桐廬

路入桐廬口蒼茫一埕懸我將敦夙好山亦善周旋水
靜清難得鷗閒白可憐短篷聊過此回首戀朝烟

桐廬四無城塹慨然懷古

爲政寧無郭惟民慎自防年光侵弱柳潮信落空桑樸
俗扶衰緒淳風繫古皇履寒還夙駕我敢怨朝霜

過六港灘

急流還勇進努力戒舟航地近高人宅時聞釣餌香臨
危看素守蹈險不須忙赤手煩相濟浮生各自強

晚過嚴先生釣臺

劫火昆池更可哀胡僧眼裏幾成灰偏憐戎馬身將老

欲乞漁竿我乍來足犯鈎陳輕萬乘星臨御腹小三台
南陽百戰無抔土只剩先生兩釣臺

再拜孤舟仗短筇

是日風利不得上岸

山林祠典配真龍五陵王

氣疲殘草千古高風健老松赤岸誓投漁父餌紫泥肯
受大夫封一竿不敢謙前輩此日羊裘落我躬

釣雪臺高迥太虛豈同彈狹爲歌魚竿頭山色情偏遠
江上風光興自如一枕扶牀終偃臥九重側席下徵書
平生屈膝非求媚不拜劉郎只拜渠

嚴州小泊

本是天涯客何妨落魄行採風知物性履土辨人情日

晒漁帆煖烟開雉堞明一瓢臨此地流水變詩聲

夜宿烏石灘

呼燈煨嶺脚戍鼓報更闌漁夢沉烟白鷄聲咽石寒捫
心多失計撫枕發長歎翻笑垂堂者何曾識路難
日落船頭上依然旅泊同曲肱諸念集閉目亂流通野
宿和衣冷秋風短鬢鬢空囊殘卷在光射斗牛中

二十七日曉發烏石灘兼贈新安吳戴歸程諸公
曉行十里霧頓覺衣裳潤沉淪萬象形沒殺諸峰峻造
物匿奇觀吁嗟爲我客舟遲上水難退尺靡寸進整襟
涉危途緬焉知所慎自惜懷葆光曷以身爲殉澤蘭怨

娥皇湘竹迷楚舜君子沐仁風小人念饑饉威鳳高其
翔啣芝誘賢俊舉芳佩羅襦中衢日馳趁四國睇徬徨
九天聊一瞬貯此戚戚腸墮我蒼蒼鬢茲遊躡崇岡路
寒霜有信幸逢吳與戴不異古廉藺

夜宿上牙

因舟成里巷水面自爲村逆旅同衾枕相親若弟昆遠
峯生暮脚野火動愁根一宿朝還去誰言席未温

二十八日同吳穎宗莫邦伯先明玉爾振歸廷寅
戴毓蕃程文彥共抵淳安縣偶因岐路分馳回
頭異影四徑追尋一舟懸盼余天涯流落人也

仰賴深情不勝志感

猿臂相牽岸共登山程失伴隔秋鷹街頭有個長汀子
可是舟中落拓僧
相逢萍水歎蹉跎爾醉嗚嗚我亦歌一刻分離猶挂念
不知千里更如何

夜宿木樨灘

道向艱難得名從困苦傳恭逢流淚地身證古人天水
底魚窺客山頭鳥喚船危灘三百六託命與長年

二十九日過響山潭

笑君空腹也藏機我若非時爾亦非緘口不言波自默

相思何處寄音徽

白首空彈這古琴翻從此地得知音愛君一諾堪千載
笑立青山吐素心

石子勞將歲月磨沙彌今作老頭陀此中相應誰爲主
與我無聊共嘯歌

霧籠巫峯貌未明臨流相喚最關情的如人隔紗牕語
不露蛾眉只露聲

近來舌上盡生毛病榻維摩一默高有口怪君真挂壁
逢人觸着便嘵叨

立處孤危絕衆流憑他呼喚莫迴頭憐君本是無求者
何必隨人應馬牛

拍手臨風喜共呼雷同相應半成訛要知句外分明意
可向言前薦得無

虎石潭

虎兒如石石如鴉草閣橫巖樹半遮畫樣天然非是墨
逢人不敢說名家

三十日夜宿和尚嶺

巔草何年禿因誰得此名皇天憎薄命詩運託殘生拙
斧將心許寒瓢與石盟倦遊聊借泊隣火隔船明

十一月

初一日同吳莫邦及舟中諸公登碧雲巖

怪此營營與壁憎我將傳檄討蒼蠅大王豈是雞豚客
小子原非粥飯僧短褐放懷乘興入夕陽高閣仗愁登
諸公掃壁催題句恐被人知謝不能

夜宿大川口兼別同舟諸道侶

老大驅馳志未灰敢將六尺許崔嵬

余欲縛茅黃山大
有終焉之志

川流水湯湯去孤客閒愁戚戚來莫料百年離合處且
留一夕笑顏開羨君捎橐歸家後剩我何峯踐碧苔

初二日夜宿汪洋港

最憐舟子慣波瀾石罅拿舟轉百盤篙觸暗星崖脚碎

人喧缺月手中殘橫敲雙槳當禪板倒把孤筇作釣竿
寄宿水濱誰識我白鷗冷眼隔牕看

初三日曉過浦口

風水重包裹山城踞上流一家煩食息千里候書郵酒
店沙邊市茶烟樹裏舟此鄉多賈客利涉老無休

登小補陀禮大士

當年郎罷向南叅

顧况詩中呼父爲郎罷
一云郎罷閩中人稱父

楊柳枝頭乞

一男先大人碧華公南海求嗣乃生不肖怪底潘家門戶冷生來兒子像

瞿曇

樓臺寂寞水潺湲童子遙瞻墮淚痕草木一山皆是佛

風吹鶴唳啓慈門

過神姑渡

蒼苔冷繡石羅裙脫下波心變白雲
水膩粉香人浴罷
汀洲杜若吐清芬

晚渡湘湖浮橋

此鄉風似洞庭風里巷人烟觸目同
只有浮橋爭渡別
船穿鐵索亂流中

吳莫邦遣舟載行李寄宿溪南水口
五雲庵贈弘

遠道兄

黃昏秉燭上溪南
珍重遊裝我自擔
落日敲門言小拙

尋僧託宿意多慚
相將歲底依禪榻
止宿途中尚草庵
寄語隨行雙不借
千峯要爾興同探

初四日登高山靜室與大雲大師話舊

沙彌爲我負書囊
門扣幽居竹作牆
撥草層層穿曲徑
挑燈細細話衷腸
翻嗟吳下宗風薄
更覺山中道義長
遶屋栽茶非好利
藉他苦味送年光

初五日同大雲翁登南岡絕頂見叢蘭盛開相與
坐談其側

曳杖峯頭縱博觀
偶逢石窟坐盤桓
有香不是王家種
兩個閒僧亦化蘭

黃山遊草 卷之一
初六日同大雲翁南岡曉望

危岡高眺野情寬
早旭蒸霜凍未乾
遠岫半身都是雪
怪來昨夜被頭寒

初七日同高山大雲大師題屯溪大橋美仰山明

五老宿遺績書贈習子道翁

烟火千家市舟車百粵通
人熙少皞日屋變有巢風
地既狂瀾嶮橋成砥柱功
我將奮椽筆勒石照蒼穹

暮登主簿山

赤石崢嶸醉晚霞
晴空倒挽碧螺斜
分明主簿騎牛隱
頭上橫梳兩髻丫

初八日晤隆阜戴斌臣戴元公戴星符劇談黃山

蓮華峯適遇地爽初晴天無障
翳下視建業長江如襟帶間物耳

擬踏蓮峯叩帝闈
臨風喚出古人魂
眼根盡處光如水
直接長江到白門

同大雲翁繇屯溪策駕高山靜室道遇坑口三古

柏體若篆隸勢同猊豹
余藉坐岸草戲將指甲
摹肖其狀而返

一柏疑小心鞠躬若三思
一柏如翔鸞翠羽臨風企
一柏若楚囚容貌亦何類
出處雖殊途秉性固不異
念爾

歲寒心夙昔幸同志終身愛老蒼願得常相待
初九日南岡曉望
弱陽在地暖衝泉梅蕊偷春向客傳莫道陰晴天不整
看山要帶幾分烟

大雲同學卜築菴基大尊峯下是日偕余登頂而
作

比日殊少悶庶幾昇高望攀崖逞遐目力盡繼以杖看
山辨來脈結穴秘幽曠善地適所求卜宅于焉當嗟哉
志未成雲脚空留樣是時屆窮冬短褐少纖纊西風獵
獵吹助我蕭蕭况天寒百草衰日落孤鴻愴水縮露灘
稜玄陰將雪釀歸途趨捷徑頗覺得平敞俯窺林麓昏
夜色憑烟上

登瘞鹿峯望由坑雲物甚奇

坡老才高墮逐臣登州海市一傳神却疑造物憐飄泊
肯向空中現後身

初十日鷹祭臺

有小序

適遊瘞鹿峯傍出一石勢如仰掌忽見一俊鷹攫一
異鳥老拳折項利爪穿腸須臾食盡隨風颺去余惕
然駭慘然戚作詩以刺其殘并名其石爲鷹祭臺
獨垂兩翼閃長空日落高臺嘯晚風萬里雄心滄海外

一天殺氣爪牙中入山聊袖經綸手當路閒看搏擊功
我欲結繩重返政免教毛血洒蒼穹

十一日登天馬山

左脅一嶺全體是石膚不受土草木無寄壁立霄漢
俗名金剛凸肚余同月生撒手長空自肯而止

誰謂此山高卓犖與我等誰謂彼雲深窮搜足相並延
覽杖崇岡以手摩其頂老去髮崢嶸年來愁醪酣心搖
沙際鷗目眇烟中艇啄食厭餘生飲泉慚獨醒披榛若
有人麋鹿踐成町路盡日車翻石落秋光迥輕身欲進
步芒履慳不肯

十二日望石耳山

一峯翠拔摩霄四面如削月生日此卽所謂石耳也
一夜愁牽石耳中擔簦老不厭西東未曾得隴先圖蜀
東道還須賴月公

夢尋樓閣抱山腰若有幽人出手招蒼耳道中應不誤
杖穿流水撥僧寮

十三日愛廬石

有序

一石峭倚南岡銜奇而獨秀余日踐其頂下視所居
塊然澹寄於畹蘭叢竹之中頗趁吾廬之可愛昨讀
五柳先生吾亦愛吾廬之句則我今日有愛先生之

愛而他日抑豈無愛我之愛者乎

漁郎無處覓桑麻
鷄犬雲中自一家
鶴避茶烟拖雪過
僧敲藥臼把門遮
采蘭芳徑香披屐
洗衲寒潭染落花
不但我憐人亦愛
果然親證老那伽

南岡上有一石窟名曰那伽室

十四日瘞鹿峯

有序

南岡之麓連峯迴復如帶雖無嶮涉之勞而有遠覽之勢惜其峯之無名徒陸沉於崕嶼之族耳有客過之者不甚奇之而茲山亦不自以為奇也一日登其巔忽覩鹿足一股余瞿然歎曰此虎餒之餘也我將埋之卽字其峯為瘞鹿更作詩以賀茲丘之遭也

掃地頭陀不憚煩
怪伊狼藉污柴門
親營鹿塚憐衰齒
擬著碑文告後昆
此夕無心成故事
他年有客弔黃昏
枕邊昨夜聞虓虎
爪破南山老樹根

十五日在高山靜室喚麥同耨者大雲月生明受

上恒上智

朝種沙畚暮採薪
此生食力敢辭貧
一長自欲驕夫子
菽麥輸儂辨主賓

石門城外兩遺民
畝畝同耕樂隱淪
我輩分明沮與溺
夕陽少個問津人

只這些些一概頭
樓他麻麥也風流
驀然翻轉虛空背

走却田間露地牛
穀要沾濡麥愛乾較晴量雨事多般有求自是無求好
地面方知也甚難

十六日高山雲松徑 有序

黃檗臨濟種松者也蓋古無不種松之祖師今無不
愛松之道者高山松徑乃大雲大師之所手植余故
加一雲字俾後學覩此喬材亦知所自也

別岫移根種此峰老僧眼裏看成龍幽人漱石房房水
野鶴聽棋步步松鱸畔茶聲喧驟雨杖頭月色響殘鐘
肩輿記得登初地 余有黃山之役杖入華山松徑一晤
自求和尚而別初地卽華山山門也

蜜葉濃陰路幾重

題後塘山僧拜松 有序

松避世而無名而欲顯其松者我也我傲物而不拜
小而始誘我拜者松也名之爲僧拜松者蓋自雁黃氏
手之作偏也

一屈焉能得再伸誰教兩膝跪紅塵此生相士無多肯
只許青松是直人
頂頭平處踏來荒海鶴爭巢作戰場劫火幾回燒不死
青青獨剩魯靈光

十七日過宿後塘庵三學道兄出示所藏白雀雪

鑑和尚畫卷

雪公死後畫應稀展軸猶勝療午饑把淚誤拋山骨痛
分明滴着故人衣

沒骨當時獨擅場筆端活處轉螭螂二王交口爭推轂

指王烟客王玄昭兩先生也解道僧中有此郎

手把丹青意轉哀摩挲雙眼自徘徊此中草木多生氣
不信斯人喚不迴

觀鐵橋先生墨竹

先生年逾七十放遊天下名山所過郵亭僧舍或受
人一茶一飯卽索紙墨戲作蘭竹報之南潯呂時敏

名冠當時向爲和碩親王所賓禮素馨先生高蹈

之志乃物色其人而誘之歸雖順適其意終不肯留

余適過雷溪後塘監院譽公出示古今名畫數十幅

余無可意者乍顧破屏風上老竹幾梢塵坌中恍有

異彩勃出余急視之乃鐵橋張先生之遺筆也慨吟

四絕以誌感云

曾到雷溪噉午齋語如方朔帶詼諧醉中壁上塗形影
醒後忙將手自揩

七十遊方老畫才孤踪去後邈難猜峰塵堆裏三竿竹

濃墨梢頭帶雨來

一枝隨身作道糧窮途自有豢饑方渴來掃幅張顛竹
楊柳樓頭換酒嘗鐵橋先生善畫馬筆法遠勝趙松雪
鐵橋寫駿逐蒼鷹牽出當軒自服鷹畫海茫茫誰具眼
時人只數趙吳興

十八日後塘竹林禪院道譽三學三慧諸道侶過

訪

昨向雙塘叩竹門忽驚過我到高源身衝曉露眉初濕
面帶和風衲漸溫楚響久疎人影貴竈荒始信菜根尊
興攀石壁藤梢滑踏破蒼苔一線痕
覓得幽居十笏寬有誰到此問平安千峯叱駕偏垂愛

一物充庖底盡歡

山寒無菜時供客只蘿蔔一味

客好進門翻跼蹙眼

粗識字便寒酸翠微相送纔相別忽各迴頭照面看

夜牕獨坐

屋背無憂不種萱掃除耳目向誰言半窗山色人孤坐
月滿茶甌竹打翻

十九日登大尊峯頂坐睡苔石上起而有作

風吹人睡又吹醒不雜諸緣誦鼻經一覺起來春盡轉
側身暖處草先青

二十日高山靜室雨牕漫興

鉢挂高庵未歇擔根尋巖壑徧搜探今朝雨阻登山興

謹賀芒鞋始放參

二十一日一錢吟 有序

余三十年間夢寐黃山未遂所志甲戌十月初八日
乃奮然啓行然酒也少有遐心長無餘蓄千里孤征
一春未備至十一月初三日旅寓高山靜室檢點破
籠中宛見青蚨一枚晒對長歌以存漫興

冷窺饑鉢欲吞天窮相生來削兩肩鐵壁銀山多透過
一錢有眼不能穿

窮途說着可憐生破衲離披半補丁布袋老鴉飛去了
多情剩個孔方兄

破荷包米壓書箱

十月二十日風上和
尚以荷葉裹米為盞

行色淒涼與自

狂兩岸樓臺烟霧裏扁舟連夜發金閫

半夜黃梅馬載馱拈花路上少人過祖師近日皆銅臭

納穀宗門也設科

旅泊滄洲歎絕糧水湖守歲伴西荒

康熙九年冬大雨
雪余同月函老人

棹返洞庭西山舟阻水湖雪浪中

將四十餘日食乏道窮幾遭大困

後應須配首陽

二十二日晚晴登大尊峯

二十二

雨後賀微晴衝虎蹲立壤千峯彌沉沉餘氣猶滂泱遠
睨平不動靜聽絕無響連朝少讀書展對愜心爽頓覺

茅塞開口角如波長此中善圈點惟我却無兩愁來忽
嬰懷願言神已往曲棘與勁松胥伯阿其黨睿聖及愚
氓顏跖遵所仰譎哉甘受嗤正則來嘉獎二途標格同
影直形堪做蒲團述記遊鼻端紛罔象不如息孤燈閉
目作奇想

二十三日迎雲曲

有小序

晚立大尊峯頂下視片雲育於枯樹腹中始同絮縷
之微漸及車輪之大小遶瑟瑟上行將逆我履自憐
塵土飄零蒙此雲烟繾綣余故喜而迎之

孤雲盼盼來投身入懷抱用捨諒知時庶幾常相保

兀坐趙州牀逢人嬾不起一晤嶺頭雲欣然倒其屣
我右汝卽左汝左我卽右攜手上嵩山慎弗嫌固陋
排闥肯自前趨風焉敢後與君獵洞庭共聽鈞天奏
降重愧先施努力期晚効雖非幽隱姿願學南山豹
出岫宜有心惠然勞枉駕茅舍不羞貧半間聊可借
爾欣拂我鬚我愛執子手擬欲話平生清風來打口
天地任微權山林存素守嗟彼栩栩翁喚爾日蒼狗

二十四日月生公掠余拄杖同探石耳山之勝題

贈明經禪院悟聞老宿

眼看石耳脚跟興不怕陰晴只要登聽說崎嶇真個嶮

未遊先敬此山僧

二十五日送雲曲 有小序

余童心未盡喜為自娛之句雲之來也既有將迎之
曲雲之去也曷無光送之篇好事者宜護我之短而
憐其癖也

薄送聊出門揮手憐同調非敢吝過橋恐惹東籬笑
清晨巫岫來白晝披帷入牽裾不少留無乃風催急
十年寤寐交一片滄洲起老衲抱癡雲絕頂成奇遇
我以雲為鄉雲去浩無主願鼓瀟湘棹送子衡陽浦
假爾一沫漚橫身作霖雨何必戀窮山與我同辛苦

我將挾籜籬捨地愁無力何物結同心因君為羽翼
高飛山上雲拋却水邊我引領望君歸愁看一角墮

二十六日大尊峯看雪

此味曾經喫迴思齒尚酸 余二十二歲客遊南岳迫於
仇人逃難過方廣嶺大困雪
中幾死復甦乃餓而嚼
雪故又自號喫雪子也 髣粘飛絮薄履濺落梅寒獨釣
光堪把孤峯白可食乾坤橫短策擬挂雪蒲團

二十七日高山那伽室 有序

南岡石厂向為豺虎所都天啓間有德林和尚杖策
觀方樂其幽邃磊石疊牀刈茅結屋遂有終焉之志
由是道德所熏豺虎泯跡矣晝則集定觀空夜則念

佛警衆擊板峯頭聲振林木一夕羣虎負嵎而坐瘦
毛露骨如病臥之狀和尚頓發堪忍之心誓將投身
虎前以饜其饑腹虎饒而舐其股有老人者叱而去
之而和尚亦逝矣吾聞南岳懶殘手折竹筴爲衆驅
虎而遜僧史艷稱其事然和尚旣爲此山之鼻祖觀
此神述其或懶殘之流亞乎住持大雲名其舊隱曰
那伽室余姑獵其異聞形之咏歌試爲和尚之點睛
也

纏頭白髮自千盤半壁纔容兩膝安乍見僧來叅栗棘
又聞人謝喫糍團鳥窺定性脚花落水捲殘經拂石寒

高山有懸崖飛瀑土
人名之曰滴水巖

最愛松門騎虎出草鞋不脫訪豐

干

題山村遇雨圖

遊裝得雨晝來真破傘剛遮半個身撞入糊塗山裏去
沒頭浸殺米家皴

二十八日雪後登瘞鹿峯遙望黃山作

有序

甲戌十月初八日將有黃山之役虞山二樂閣眼還
和尚移書相誠曰此山九十月間便有雪霜不可行
也余遊興勢莫能遏十月二十日自金閭發行十一
月初三日舟抵歙邑之溪南過訪高山大雲大師雲

公亦止之曰近日禁寒恐勞跋涉少待春風解凍方可進影耳遂挂搭高山靜室作度歲計每登瘞鹿峯遠眺黃山以抒旅抱

遠岫參差映牧童剪刀豁裏見孤鴻正嫌絕壁愁難透却有虛空一線通

某山某石某茅庵是我前身此放憨今日遙看還認得一松如蓋照寒潭

年來漸覺老龍鍾怕向寒崖踏蘚封歲晚淹留聊縱目

夕陽人望醉雷峯

吳中一名士適遊西湖乃指雷峯塔曰好似個醉翁一時競傳其語余遠望黃山貌類石赤頰然獨倚大有醉翁之狀故戲以西湖之雷峯比之

不消聚米畫籠從已料先機在目中明歲沉舟須勇決

與誰猿臂共梯空

憑誰白日話相思只許名山作故知拚把愁吟多付火好將詩骨洗湯池

天角峯高勢絕倫雪消磨處燒痕春空中石丈誰扶起髣髴花間見醉人

形模搨得向誰傳劫火燒成幾個拳想爲杞人憂欲墮故教撐住半邊天

結束遊裝興未殘擔頭還要插漁竿誰憐寸步愁千里目閉黃山遶百盤

日二十九日望齊雲巖 有序

高山滴水岩極目際天危巒插地若伏百千矛戟一
鼓作氣而有森然挺出之狀余心異之而不識其處
顧問半山樵者樵者曰此卽齊雲巖也十年寤寐不
忘之物一夕瞭然落我彀中明日再至岩頭更尋舊
天觀觸目昏昏不復辨矣豈山靈之効職而因物以垂
象耶抑神祇之幻術而啓人之信向耶徘徊莫測感
歎成詩

夕陽記得此盤桓今日看非昨日看野鳥弄晴呼不出
好山當面被誰瞞

狂歌隱約見崔嵬一夕蒼茫變草萊流水聲中惆悵立
欲招山翠返魂來

昔年海上看艨艟日落高帆峭晚風忽覩危崖天際插

愁心提掇到甌東

甲寅乙卯之秋余客温州
登大羅山頂看海上戰船

閒吟冷坐石苔斑咫尺瑤臺若可攀路入蓬萊風倒退
此身依舊落他山

敢告雲山鑑我真可憐遊子尚稱貧雙拳未拜泥塗佛
一鳥盤空寫法身

法華寺裏撫奇松

法華卽湖州白雀寺內有宋石門先
生齊雲岩畫壁一幅道旁一松貌甚

蒼古皆曰此江南
界裏第一松也

滴水巖前見別峯兩度看來多是夢

何如絕頂倚孤筇
萬壑爭輝迥出羣
憑誰負去落層雲
遡流要見磨針處
須挽銀河洗夕氛
耳畔依然漏乳泉
眼中換却舊時天
誰將十二屏風榻
欲掩還開摺半邊

十二月

初一日與南岡刈樵者坐談石上

柴門風氣晚來和
山半逢樵講伐柯
一息松根雲屢變
不知塵世近如何
爛柯山下兔豈人
背炙斜陽說暴秦
石上殘棋須再算

不容樵擔便抽身

初二日高山靜室漫興

乞得山寮放小包
歲闌看到蠟梅梢
天將欲雪先垂象
坐看幽禽補漏巢

偶閱編籬憶結繩
空山理趣靜堪徵
華嚴課罷無他事
鹿豕欄中瞌睡僧

初三日高山靜室燒火

玻璃盞子喫茶閒
松葉編茅漏蘚斑
破竈門邊雙眼赤
火叉打着老寒山
法轉熾然句不停
乾柴頭上也惺惺
燒他三世眉毛落

只有些些那一星

初四日觀同學大雲翁刈草南岡余坐睡石上醒
而書此

白頭覓故知赤脚立長想泛覽登南岡兩人同一杖剪
棘滌清霄越洞超玄朗豐草藹繁典知君性涵養林下
閉門深塵中道風廣右山不愛閒瑣事勞鞅掌腰鎌躡
翠微伐石礪樵響欹坐石齒間斜陽炙我益合眼夢三
山滄海濛濛往醒來刈未闌新月彎初上

初五日高山滴水巖

流泉挂壁滴瀝不斷土人名之曰滴水巖余仍其舊

姑以詩繫之而不易也

渴壁冷摩雲危根杳無地泉聲汨汨來滴滴明我志默
想渙清機披襟豁空翠匪藉濠濮觀何由存所寄作詩
表歲時刻竹等遊戲登高呼後人蒼天若蒙昧觸物動
愁腸臨風垂老淚我將秣我駒日夕騁遐轡

初六日與同學大雲翁及月生明壽上恒上智諸

道侶高山喚麥

殉道慕孔顏貴已師楊墨衣食自經營仁義頗修飾垂
老志無成臨風空歎息蹲途半泰行涉世多荆棘賦命
若函關誰將一丸塞恭承鴉嘴鋤末路言相識諒弼有

其勤輔人靡作慝勉力効田園勞生思禹稷南畝立微
勳庶幾循我職

初七日薄暮立下山獅背望鷹嘴巖作
閒看幽鳥向巢飛瀟灑微風曳短衣立盡崦嵫殘日脚
瘦筇擔得暮嵐歸

笠帶松風仰面看冷黏鷹嘴雪花攢番番到此添吟鉢
壁上新詩採未殘

余挂搭高山靜室一週晦朔矣旦暮食息希逢人
影乍同上智道侶立浴龍池上忽晤樵家夫婦
采薪而歸固絕壑之異事也

一溪履跡印沙寬樵婦同樵下嶺端不染人間脂粉態
髻邊插朶素心蘭

初八日禮佛偈

一從悟處賺明星黃面何曾困得醒千古有誰能出手
爲渠拔却眼中釘

初九日題倒勝池

有小序

高山夾澗最稱僻奧萬竹流輝千峯幕翠結綠成泓
淨不容唾余思安其名而未獲克肖適閱堯封月函
老人寶雲集有倒影方池勝之句卽以顏之庶幾假
此佳叶助彼澄流真謂此波之定評也聊備短歌用

補山誌

虬松吼水身鱗鱗綠篠含風書个个誰提秦鏡照人寒
一任長天飛雁過澈底漣漪漾乳花衡門飽嚼堪忘餓
洗開倒影勝初傳寶雲句裏先題破我來樹下咒龍魚
擊鉢狂吟葉齊和臨流洗耳不求名只算山中了清課
目注迴瀾興莫窮頭今已白愁他那乍與方池署舊顏
林端鳥聒欣相賀

初十日望黃山齊雲作 有小序

余流寓高山靜室時立鷹嘴巖縱目遠眺而天角羣
峯陡然傑傲者黃山也迤邐而下高崖矗立騫騰霄

漢者齊雲也自欣荷片笠而以遨以嬉舉兩峯而聿
吟聿嘯不覺絮言空湧藻思雲興少攄羈旅之情聊
解臥遊之渴

首尾青青百里間挈來寤寐總相關兩峯未獲窺全豹
畧露雲根見一斑

絕壑窮居寡見聞靜中魚鳥興平分無書客裏難消遣
拭目奇峯當古文

狂呼空谷答如流破臘梅梢放屐遊眼底有山難漏網

肯容五老作吞舟

余俟兩山遊畢卽有匡廬之役故戲有五老之句

半壁雲封落雁孤想疑高處是天都一峯欲墮誰扶住

葛藟纏腰氣力匱
殘雪催梅歲又刪
春來應不放人閒
雙瞳剪水乘風便
捎着天邊兩座山

十一日坐愛廬石自嘲

科頭踞石老松扶
口裏喃喃撥數珠
他日僧繇能肖我
只須依樣畫葫蘆

十二日大尊峯晚歸

老來遊屐未能拋
閒聽鳴禽亦解嘲
山徑獨歸逢舊月
破扉有興立同敲

十三日神馬歌

有序

往浮湘時月函老人與支石兄見一神馬截江而過
作神馬歌甲戌十二月十三日余流寓高山靜室夜
讀寶雲集追思曩日舊遊而老人及支兄皆溘逝矣
乃撥燈呵凍慨爾作歌

翩然一馬清風送
掃過長江波不動
叱馭無人勢莫羈
蟠螭絡頭霞作鞵
穆王駕上脫囚來
滄海踏蹄矜獨弄
漢家樂府頌權奇
要與渥洼爭伯仲
文獻初開洛出書
獸形鱗角趨朝貢
日月夾鏡迴雙眸
崑崙萬里誰能控
迴思彭蠡斷腸天
二十八番枯草凍
神物翻從詩裏看
浮湘提起人如夢
當時見者半遊魂
燈前喚出桐花鳳

十四日雪中卽和寶雲集原韻
夜來微霰洒平林破我柴門虎跡深日徙寸陰寒改歲
花飄六出澹無心扣舷江上漁蓑冷伐木聲中鳥道沉
斜壓老梅籬落外先開一朵喚人尋

十五日曉晴

擬將破衲洗潺湲小雨攔門斷續間天付陰晴猶豫裏
半吞半吐霧中山

負暄

多謝暄風送睡來舌根甜到夢初迴屋頭鵲噪傳芳信
報我巡簷索早梅

大尊峯晚眺

山當薄暮最堪娛苦爾孤筇又一扶此夜不須歌秉燭
還家剛與月同途

十六日雪催梅

老梅懵懂臥籬笆六出花催五出花昨日較寒今日暖
晚香一點透牕紗

十七日悲風行

有序

余獨遊山中忽聽驚飈入樹其聲蕭騷激人毛髮乃
泠然深惕爰察其音奏益商聲也而律應乎夷則夫
商傷也故命其詞爲悲風行

春風潑人面遊子飲王膳夏風穿人腋遊子喜一石秋
風剝人肌遊子寒無衣冬風割人耳遊子脫脣齒愁心
噎噎終風霾壯心烈烈飄風發風兮風兮急如矢我欲
長征破萬里凌歊臺歌野鷹來楚王雄風安在哉

臘香十八日辰時第五刻聞雷

卯雨南山迳早雷未春蟄戶頓催開半生述作多憂患
不紀禎祥只紀災

潦倒江湖愧弗恭扁舟載筆驗豐凶臘天不合行春令
廊廟憂深繫短筇

密雲勿訝自西郊蜡日休將月令鈔一事語人應不信

凍雷折斷臘梅梢

十九日登大尊峯望雲海歌

有小序

西洞庭林屋洞道家稱爲第九洞天遶山百里皆梅
也余與客遊其地縱觀梅海昨因窺雲海於大尊峯
頂遂憶西山之梅海并誌我不忘情於靈威丈人也
茫茫空劫誰扶牢九洲蕩漾浮輕舸先天一點絕朕兆
萬物盼嚮成洪濤仰觀清濁忽自判山有崖兮隰有岸
蟲沙猿鶴塵中人不識金烏啼夜半白雲曉起吞平疇
孤城不繫搖滄洲擬向竿頭佩芳餌欲臨釣石拋魚鈎
日轉扶桑烟作壘足躡狂瀾歌欵乃放眼疑登第九天

翻身跳落梅花海

二十日酉時立春

詩沾膏雨漸成肥筆到新春大發機歲逼五旬剛欠一
看看四十九年非
又隨小草沐新恩始信東皇亦有根笑指簷前紅落處
鳥啣春色獻柴門

勾芒此日正東征老衲清晨曳杖迎拍水凍魚爭試尾
學吹柳絮上池行

哺火鑪頭暖撥灰老來偏愛倚巖隈陽春脚轉今猶晚

前日先獻一個雷

十八日辰刻聞雷

二十一日溪南蒼孚吳文學同弟之純過訪高山

靜室

閉門日日把詩刪自上山來懶下山開口還人三個好
潛身抱石一堆頑鵲盤幽竹窺禪定猿嘯垂蘿學我閒
轉盼逢君真意外短衣長揖白雲間

峰頭雪後有餘寒訪戴情濃興未闌戒畫因君重破例

小技妨道余所深戒今蒼公持紙索函情不能却

尋僧爲我故開端閒分禪榻

評茶外多借官梅入座看此地一瓢聊暫挂又留佳話

在新安

二十二日殿上拂塵帚尾忽黏一蝶感而書此

戲打貓兒出草奔佳人撲得扇頭痕落花堆裡風流盡
又被東風喚返魂

習氣難消粉面輕託身花裡弄陰晴憐君歲歲空飄泊
開眼茫茫又一生

身前身後兩飄蓬金谷園中笑石崇花裡幾生都是夢
到頭流落梵王宮

七百年中眼未開故宮又變黍離哀花邊一夢東周過
風捲墻頭自去來

二十三日雪珠和寶雲集原韻

丸逐春禽打木難少年豪興夢將闌蚌迴合浦光初綻

淚滴鮫人泣未殘跡謝孟門千履碧身披雲蓋一床寒

雲蓋會祖有滿床
盡洒雪珍珠之句

西山簾捲晴窗裡快倚樓頭放眼看

二十四日祭竈詞

空山冷竈烟冥冥我今欲訴君宜聽司權失柄逃天刑
玄穹夢夢何時醒斗杓東指易茨莫春王創物開麟經
錢神無足揚厥翎彼媚奧者登彤庭愧屋漏兮艱於屨
老死案上囊紗螢爾曷不將此眷眷直扣閭闔敷奏陳
大廷胡爲乎衍衍坐飫我錫菓十枚茶一餅

二十五日

釣竿纔入手遺恨落微躬世味雙眉皺生涯兩鬢皤

黃山遊草 卷之一
魂風裡活花信雪邊通檢點身兼杖相將歲又窮

二十六日閒窗漫興

橐破風吹滿移來挂壁輕刪詩酬廟算採藥補樵耕鶻
過巖餘影年消水滴聲所欣春有約將耳待流鶯

二十七日山行

四言

雲氣沾裳草香沒徑觸物生情隨流得性轉盼蒼苔遺
跡如剩言念浮生虛名莫稱萬事飄萍迴頭墮甌空谷
高杉寒林清磬樵父相呼東岑西應長嘯孤峰慨然獨
證瀑落懸崖藤纏飛磴鳥已藏饑梅猶未孕擬嫁東風
採蘭作媵緬想羲軒若獲所贈兩袖琳琅手獻冰凌

二十八日

絕壑更新曆蓬門改舊寒寓形嗟有累逐物笑無端梅
發驕春令雲歸薄夜闌貧嫌多一口濫插主人盤

二十九日除夕同大雲翁及月生明壽上恒上智

諸道侶守歲高山靜室

日落前村起暮烟暗中催我換流年名山未卜藏書地
擁衲還叅沒字禪想到平生愁滿把立當殘臘首搔天
貧中證入詩王界守歲囊留一個錢

客途寥落囊中
剩有一錢耳

乘興呼童翦燭煤送窮詩向此時裁幾多妄想經年過
一往閒愁入室來山鳥乍聞賡淑氣國風又報伐條枚

欠人十幅澄心紙
吳養孚及諸山道友持紙索
面適天氣苦寒未獲竣事
擬上周
王避債臺

雁黃布衲黃山遊草卷之二

江城喫雪大涵著

乙亥歲

正月

元日對雪

山百賞難題只欠飛

山蘇根盡只食
去年市賣甚下

維新有象小郊東
恰喜柴門一色通
鳥啄紅蕉雙翅雪
琴彈綠水五絃風
梅衝獻歲花鬚勁
筆贊春王艸聖工
敢爲黎元呼后土
麥祈兩穗穀祈豐

初二日大雨夜見飛電

天降浮雲雨上升山寮賀歲冷如冰電痕一線穿牕入

疋練光中遶定僧

殘年窮出骨嶙峋百貨雖強只欠銀

寂無售者怪底入春剛兩日天垂電脚警遺民

初三日喜晤九龍山聞悟老宿

跡寄寒雲外名偏遠岫知高年勞降重冒雨愧先施相

識非關眼傳神只在眉愛君還惜別小立話疎籬

初四日雪中觀瀑

鵲啣歲首迎新喜梅花爛熳狂歌裡雪滿乾坤江滿波

足探奇峰悅我履一腔貧骨故驕人途遭拜者杖而止

愛捉樵夫與立談自不呼名稱野史浮雲背面牕牖開

白石差峩樓閣峙冰釵落處響蒼苔髣髴巖巔見仙子

東風狡獪謔麻姑時把珠簾輕揭起

初五日雲峰歌

同大雲靜主登瘞鹿峰觀石耳暮雲有感

峰高愁礙雲四角何氤氳爾不作平地曷以辭斧斤名

高愁礙人獨立揚芳塵爾不避中路曷以免荆榛古今

豪傑一椰軀衡縱掉舌穿三穴當塗覆載日相師後車

不戒前車轍木偶排場我勞彼悅看破機關巧不如拙

掀眉一笑大江橫仰視蒼蒼鴻影滅

初六日溪南五雲菴弘遠禪兄到山

歲轉潺湲谷漸溫風吹弱草動愁根憐君撥雨春扶履

為我登山晝打門把炬借單剛一宿

甲戌冬余自吳門來夜抵溪南宿於挑蔬對飯恰三番相逢預作看燈約擬趁疎梅

下遠村

東風初七日大雪

人日躊躇陰更陰雨雪離披旦復旦蒼天惜日吝如金

羲和驅車雲漫漫海濤怒嚙扶桑根赤岸一枝雷打斷

新正月初二日夜見飛電財盡東南杼柚空彼蒙茸者何

燦爛簸箕入夜慣哆張禾黍連年嗟水旱道人憂患本

先天高枕魚竿勞慨嘆歌和齊郊扣角吟禿管敲冰書

短翰

初八日祈年歌

莫輕頭上天須敬泥中穀時和風雨調道泰陰陽睦植

者蓄孕者育蜂蝶紛飛庭草綠拜神咒神向神祝今歲

禾麻祈滿斛國少瘦民牢有肥犢罟網多魚編籬養竹

分明一幅太平圖牧童吹出無腔曲健婦挑燈弄曉梭

小兒抱書勤夜讀吏不敲門犬自眠黃雞啄粒喧朝旭

但願花畦臥醉人賤子飢驅貧亦足

初九日大雨雷電交作
嗟乎不蟄愁先蟄只恐黎民艱玉粒渴虹妥尾掛山腰
垂頭倒飲江湖急老松化虬虬作松曉看鱗甲通身濕
初十日雨後探泉歌
蕭蕭野寺東林東泉聲浩浩來崆峒皚皚積雪南山南
泉聲只在採藥籃寒禽啄木西溪西泉聲日落風倒提
爛熳霞蒸北巖北泉聲說偈支那國泉香石綠映丹砂
一幅冰綃漱空碧杖浴寒泉化小蛟竄入深淵沒消息
杖兮杖兮合歸來宜相我南岳天台峩峩五臺勞去汝
崎嶇酒一杯外則如題未悉取平製水旱豈人憂患

十一日看山吟

慣喜隨流得性真閒來覓取杖頭春
天教兩眼分青白青者看山白看人
日落歸樵下嶺風溪頭點綴野花紅
愛由不在皮毛裏滿腹烟霞嘯傲中

草屨跟黏五岳塵幾番生死換前身
白頭更結烟波債只有青山了事人
齊喜廿二日高山鵲
山高山有二鵲晨出晚歸不差時刻
菴僧于其行止爲舉爨之候余戲指鵲曰
向讀寶雲集有野鵲不知讀

官曆之句反能警昏旦耶故名之曰高山鵲不取
山僧不知時以鵲爲朝暮開門與閉門不覺一日過
竹喜風點頭鵲喜雪顛尾聽爾報佳音何如人說鬼
野鵲日兩朝音潮薄德何敢當聽彼鼓噪還背坐棲禪床
雲隨脚底興日向鋤頭落何物開柴門又是高山鵲
滿頭十三日雪中作

雪後望諸峰或露或不露不露被雲埋露者貌如故
橋斷水衝斜松欹雪打正探梅擬出門老怕風頭硬
霽色將開地浮雲不放鬆冷風提日脚急縮上高松

十四日踏雪望黃山

冷峭巉巖得恁高醉心渾似飲醇醪看來不是空中物
雲裡生根却甚牢
鷹翻摩空向外盤一腔翠滿雪光寒坐中不費纖毫力
博取黃山掌上看

報日十五日
一甌清供壽途窮梅竹同條理亦通此夜蕭然頻側耳
靜聽流水健談空

榻拙鑪頭火氣騰房開竹罽暖烘僧下方聽得元宵開
也喚沙彌點雪燈是夕庭中鏤雪爲燈以應故事

十六日與大雲靜主下溪南過致和堂晤奠邦吳

公坐談石耳之勝不與南巖煙味堂韻莫與
記得蓬牕睡並頭幸分暖氣滿身周少年失帖君孤立
芳草牽愁我一流山入新春欣帶雪人逢舊好憶同舟
造門隨例聊稱喜選勝重期石耳遊

十七日穎宗吳道翁入山過訪此亦蕭然聽聞耳
昨日敲門翁不逢今日入林僧恰在纔隔鬚眉又一年
雨雪相思多暝晦旅舍同爲涸轍魚相看煦沫還相愛
應知客貴履聲高忽聞白犬雲中吠誰是主人誰是賓
老翁拜僧僧亦拜莫怪蔬盤瘦不肥兔兒喫盡籬根菜
竹裏泉鳴漱玉寒跳波可惜珍珠碎自憐無地着疎狂
只有青山容我輩身似江湖不繫舟此中已得真三昧
送爾扶筇出翠微半路催歸勞者再鷹嘴巖前笑別時
揮手清風人各背

十八日野步

大雅山中步衣寬蕙帶輕兩行音杭松侍立一片水隨行

十九日老鼠寨

有序

高山鼠最多窺盃翻盆逞威獻技白晝出遊公然無
忌凡室中炙脂帽鶻臭衫無非鼠耗之餘也沙彌上
智嫉其醜狀極盡機巧作一捕鼠之具名曰老鼠寨
少蹈其鋒禍徹立効靡不碎首橫中陳屍階下余目

擊心悲痛其酷烈慷慨直破其器是夕鼠亦杳然絕
跡雖試以餅餌毫不侵犯易曰君子信及豚魚尚有
疑焉今觀此事而驗之始知古人不我欺也兼述古
作五言以誠世之好殺者

當年拔宅時悵望浮雲際雞犬盡偕昇嗟爾獨留滯吐

肝向月明自悔還自勵古有仙者舉室上昇雞犬盡入雲中惟惡其鼠不得同往鼠遂

發憤向月而吐其肝胃故曰鼠無肝也眇哉鼠竊徒構惡甚微細其罪未

窮凶何必勞關楨設法害無辜沙彌施巧計破寨祝蒼

穹知機宜遠逝盜固不存仁殺亦不用惠殺盜兩相欺

聖賢一如贅乾坤入網罟生死迭陵替反袂憶唐虞臨

風聊出涕

二十日懷天王寺觀空含十慧如鑑貞諸道翁及

香鉢扶坤天柱三門人洞庭西山

自喜知交半白頭葛洪井畔飲同流一雙粉蝶穿花軟

三匝茶烟遶樹柔硯洗故山詩解渴燈挑旅舍夜添愁

此時諸老應相憶我亦無聊念舊遊

二十一日觀梅

雪封梅脚少人探寒比堯年聽鶴談昔有人聽松上二

不減堯山瘦不禁連夕凍朝來骨露更難堪崔相謂日今年寒

二十二日同大雲翁將之方口看八門松

聽說奇松有八門擬將短策問孤根風雷枕上先陳兆

一夜龍蛇惱夢魂松方口八門

雲桂二十三日同笑指翁及同鄉西頑松方口八門

老榦霜凋不露春荒坡弔影困風塵蒼皮雨溜朝含子

白骨雷燒夜蛻鱗積葉堆山堪放屐垂枝作戶可通人

徘徊獨撫斜陽裏不奈愁心遶百巡松方口八門

自廿二十四日夜讀仰山誌雙休觀家外

十八通天路盤盤雪正封仰山有十八盤夢遊書一卷屐躡字

千峰燈照猿啼石霜摩虎躩松欲窮丘壑興讀到五更

鐘

二十五日同隆阜戴汝藩汪明武吳惟先尋春之

作

結伴相尋鬢已蒼今朝也落少年場一坪軟草人爭踏

脚趨春風看者忙

二十六日午後溪南趙聲玉吳奠邦吳肇封訪我

高山靜室遂乘餘興掠遊白雲菴

樹裏烟生屋有賓聊陪居士溷清塵多緣愛吃雲門餅

費爾山僧十束薪

遣興同登樹杪樓悠然石上具茶甌白雲菴裏吳山主

自作東翁屈我遊

黃山遊記

黃山遊草 卷之二
二十七日即事

心事門前水一溪
閒看雨後起虹霓
自憐道德充山谷
坐占烟霞王去鹿麋聲

二十八日昔與客遊雁宕闔王鼻一絕石上兩竅

其狀如鼻

滅燭憶龍湫
恍踏懸崖上
驚魂向下看
一落一千丈

二十九日見擔頭蘭感歎一絕

跡隱千巖肯露風
滿懷香氣道偏窮
知伊不受絲綸繫
也落樵人束縛中

三十日題墨嶼

上元後一日與同學大雲翁訪溪南吳惠吉居士齋

頭見函嶼一枚用草為縛并題有唼唼索索山水之
樂喜其不俗而韻續題二絕以誌所快

一樽烟水與平分
配讀離騷是此君
相對不能忘舊味
頭陀今日又開葷

夕陽興發酒人廬
坐鎮騷壇獨愛渠
想是季鷹渾未識
秋風只解憶鱸魚

二月初一日水邊吟

閒臨流水忽漫成
詩即名之曰水邊吟

破曉看山濕短髭無心相對兩相宜臨流已盡形骸累
明日重來又是誰

初二日聽客談匡廬飛瀑

忽見廬山三疊屏半疑如夢半疑醒客來彭蠡誇遊目
賺我燈前側耳聽坐聽飄飄聲變異長年瀟灑未端
題詞初三日閒居口占

涉世何能便絕交門開竹裏任人敲菴西又獲新隣里
老樹頭添一鳥巢

初四日訪元人團瓢圖贈溪南惠吉吳居士水之
樹留殘葉賸餘寒十笏茅齋石作欄草織蒲團僧坐穩

六根收向此中安

初五日瘞鹿峰晚歸

此生不敢厭山薇覓句多慚有活機空手入門雙袖冷
杖頭擔得暗泉歸

初六日踏青歌

堪嘆王孫草一堤春來依舊綠萋萋無情流水多情鳥
勾引殘花過別溪

初七日上恒道見賣柴溪東就於路傍喜拾蕙蘭

一本和泥拔回可謂韻事詩以傳之

柴擔惺鬆壓半肩穿雲抹過晚峰前此香不自甘埋沒

撥汝低頭看脚邊

初八日雨後

雷催雨落電催晴忽見雲根嶺角生山色也如輕薄面

一回談笑一回更

初九日倚杖

耳靜通流水自調松篁合奏勝簫韶胸中作妄胸中了

石上生雲石上消閱世打空真粒粟將身剝盡等芭蕉

千峰伴我偏高興倚杖雖孤未寂寥

初十日野步

步入輕風出斷垣閒搜草際得詩根立當沙面看泉處

昨日曾拖拄杖痕

十一日籬畔小桃

一池詩料草初長蜂課徵花土作房隔水天桃窺客鬢

矮籬渾似宋東墻

十二日花朝

清羸薄艷不逢辰雨雨風風又一春長揖花前聊補祝

七言敲就作封人

十三日戲咏雙蝶

雙蝶好衣裳楚楚白如雪春風作方便與他打成結

十四日觀上智雨中分蘭焚晷晷雨逐蝶蝶上

騷人眼裏葛藤椿佩服還思媚楚邦
細雨移根栽枕上耳門今夜滴湘江
白吹雲春風扑大野與此林風絲

十五日雨中曉望

雨脚撩山薄霧烘竹深有寺亂流通
白鷗洒過前村角染着桃花一背紅
雨脚風又一春是掛外前柳絲

十六日登溪東九龍山看大水適遇悟聞老宿

破履啣苔噴曉泉閒憑老衲話山顛
愁粘飛絮多淹泊快意無過下水船
水天無際

十七日

乾維道兄邀擊竹菴西隱天王寺勝慧水陸寺雲山

及諸道侶禮千佛名經於白雲禪院

諸峰衲子半如仙共聚無人國裏天
寶網彌空垂妙諦薰鑪行道證初禪
羣蛙鬧水鳴三際獨鳥啣花顯一權
更喜西翁同亥豕西隱與余同年而生坎珂相對話流年

十八日雨後同西隱勝慧雲山諸道侶坐盤陀石

脚跡未遙望黃山菴口木此山與西隱共大
雨餘餘興盼峻嶒縮地無能勢可乘
笑爾諸公都怕嶮草鞋跋扈敢先登
衣木要索步餘

酉翁十九日吳村朱萬育文學讀書白雲山房夜坐論

讀書山文錄黃鶴尋蹤對面寄思隨語論香一匙

讀書山寺就黃鸝展卷樓頭寄所思
粥剖瓦鐺香一塊
酒澆漢史醉千卮
身關國步同盈縮
道繫民心與合離
細雨夜牕挑粒火
秀才要索老僧詩

明紀末有高僧卓菴白木尖
偶晨炊斷火卽呼其犬
獨向村中乞火上下陟壁三十里
迅速而返余聽勝
慧道兄言及此事慨然神往補一絕

烏鴉宿處石爲居
灰冷柴頭燄不舒
洞裏小虯能健走

上山啣火勝啣書

山有烏鴉洞

二十一日清明有感

江南寒食掃墳天
士女多簪老少年
愧我獨開愁裏眼
冷看人掛陌頭錢

夜觀鬼燈

擊竹菴西隱法師設放瑜伽燄口於白雲菴是夕村墟林野四面皆鬼燐余與勝慧雲山乾維諸道侶同觀於月壇之上

艸木精靈信有徵
抑揄伎倆髮鬚鬢
獨憑咒力空中走
踏地無人自打燈
冷嘯陰風月一鉤
天將木鐸振玄丘
遙憐山鬼真非俗
此夕還同秉燭遊

二十二日同白雲菴乾維道兄過諮臣吳文學宅

今觀劍中看小虎

呼來小虎出堂前一躑公然抱膝眠
記得天台曾跨汝不須煩我更擎拳

毛羽傷殘對苦吟聽經堦下舊同林
不忘受記還相識掌上看來有善心

脚帶南山一片苔入堂長揖覆茶杯
兒童笑指黃和尚又到吳家伏虎來

口念觀音萬壑中華林老子再稱翁
我家侍者偏強項珍重人前叫小空

二十三日同白雲菴乾維道兄遊溪南華山

白石爲堦碧蘚封我來只剩幾株松
浮雲的是無情物又起樓臺過別峰

回棟平沉草又興荒苔兀坐幾消魂
晚來蝴蝶穿花至不識欄干改舊痕

荒榛漫把衲衣牽此地經過亦偶然
有耳不關興廢事浪聽樵子話當年

共效二十四日作画

乍視流雲筆法頓進恬澹無垠渚
香月印山簇磬頭花開木槿疎葦
參差微波遠襯地濕烟蒸巒光脈
潤夾岸

黃山遊草 卷之二
芬芳漁郎問訊洞口天桃不知有晉羣鳥低飛孤帆若
趁轉盼天涯千里一瞬老謝閒名恥將身徇寶墨逾金
非敢曰吝 四日詩四

五言 二十五日

採茶山中路見虎跡而作

閒居虎穴西與虎爲唇齒一塢白雲香茶芽噴新雨

四言 二十六日努力吟

又信步登山命之曰努力吟

平地望諸峰窺窺摩蒼天半嶺望諸峰參差相比肩絕
頂望諸峰墮我苾鞋邊人生萬里足莫被寸絲牽須向

高流莫下流苦口語君然不然

五言 二十七日晚步

風剪簷頭雨滴聲蜘蛛結網絆新晴翠禽滑口呼人背
鼓我尋芳琢句行

二十八日高山靜室觀大雲月生明壽上恒上智

諸道侶編籬

補籬聊復護蘭蓀竹漾晴光晒鼻禪美殺山家真富有
苔錢滿地不關門

二十九日燈下懷永福寺墨巢山濤二道侶

幾個平生漆與膠春風腸斷隔江郊燈前耳熱誰思我

黃山遊草 卷之二
不是山濤定墨巢

三十日喜晴遣興

悶殺床頭十日雷
漏痕壁上寫莓苔
却欣晴色今朝穩
風撥花房強半開

三月

初一日雪霽有感

春令冬行也不難
忽驚千嶂白漫漫
新安紀事多徵異
過了清明有雪看
禁烟飛雪臘傳雷
象叫金門志士哀
苛爾貧民誰作祟
茫茫十室九疑猜

初二日白雲菴看梨花

同大雲西隱開生堅一乾維諸道侶席上分賦

快味憑軒愛此君
香挑七箸薦春芹
梨開寒食烟同色
浪湧禪關雪不分
髮白看花傷老大
情濃攀竹訴辛勤
坐中日暝無人覺
默想西山十里雲

洞庭西山角頭有蒸花數里

初三日同大雲西隱堅一乾維諸道侶聽開生師

談十照寺石鏡之勝兼有秋遊之約

乍訝身偏瘦
談奇舌更長
非君親指破
此地僻深藏
照鏡無邪胆
看松有直腸
秋期來就約
把菊會重陽

初四日將入黃山題別奠邦吳公來不齋

幾日相知語笑偕楊朱有路使人乖向來不識君偏樂
免得離愁又掛懷

初五日題函贈別穎宗吳道翁
江上逢君酒未殘扁舟十日共盤桓吳僧去後如飢渴
掛起丹青當晚餐

初六日題函贈雷溪道譽監院

筆興斜飛樹有風雨敲箬笠駭山翁歸來縮項鑪頭坐
濕衲和烟抱火烘

初七日題棧道圖贈五雲菴弘遠道兄

誰開丹嶂五丁通自古英雄割據同道貫紫陽能格物

老來筆力透蠶叢

初八日穀雨

茶事將興解籜時打更有鳥樹頭知打更鳥一名茶葉

不鳴東君日暖初行令紗帽山前試小旗

題函贈月生道兄

擔書入谷挈樵童倚杖行吟面有風愛聽濤聲清道骨
耳根冷插矮松中

初九日至黃山將欲取道巖市函贈禪裕道翁

雨點淹花過一春草鞋來覓故鄉人入門覩我風霜面
不必途中問苦辛

初九日留別大雲同學 命沙彌上智送至溪南水口

出門窮似入門窮主面淒涼客與同纔解離愁今又結

余與大雲翁別二十餘年始晤三月今復有黃山之行 一聲黃鳥各西東

驛路雖通命不通破囊香薦落花風小沙彌送天涯客

情滿青山十里中

夜宿五雲菴明日將至巖市別弘遠院主作

勞爾居亭兩送迎 甲戌十一月初三日寄宿準提閣燈今乙亥三月初九日復榻于此

燒雨脚話殘更借單一宿何曾暖明日聽鷄又早行

初十日午後巖鎮道口占

愁聽黃鳥語綿蠻垂老驅馳不自閒躡屐乘桴無二轍

仲尼浮海我浮山

十一日晤聞指院禪裕鄉翁

知己相逢晚不妨到門千里只空囊藉君鄉土瓢堪繫

問我家園樹已荒近市結廬身半隱向人開口姓猶藏

玉峰亂後青衿換堪笑頻添白屋郎

十二日雨中禪裕道翁出示古今書画

年老論心氣自平閒提山水最關情吳人好古偏攤眼

野客多知擅品評絕筆展看神獨賞點頭會處眼雙明

孟陽烟墨青獅艸 陳孟陽先生画及徑山雪師太草書最為殊品 口呷清茶坐

雨聲

十三日同禪裕大師及元章道侶巖市新橋步月
步逐晴光宿鳥邊與君頭上共吳天溪明沙店搖殘月
地獻樓臺襯薄烟市僻安禪堪避世竹深有屋儘忘年
一橋風景真難構此際幽人不肯眠

十四日同元彰道兄晚步巖市新橋遇雨而返

乍愛斜陽照客身小雷隔樹又生嗔莫言造物無偏黨
山欲留人雨妬人

十五日同元彰道侶坐德風亭遙望黃山

笠如帆葉杖如竿釣取黃山一點寒坐對白鷗堪小劫
德風亭上漱晴巒

十六日讀綠蘿篇

乍讀綠蘿篇開卷風蕭然飽領淳樸味穆如古皇前移
情滄海曲碣石空留船腰間脫蕙帶便把明珠穿有時
激我愁縷斷沉深淵有時鼓我歡破浪乘長川此音若
黃鐘爰扣金石堅豈意大雅後遇之途旅邊起步立中
庭俯仰魚與鳶斯人云在邇良會當月圓明晨飯我牛
叱駕硃砂泉掃除形骸痕抉破商周阡相將共執手同
上天都巔爾肯捉我卷我愛袖爾篇狂歌復悲嘯問彼
蒼蒼天

十七日元彰道兄乞題諸名家面壽禪裕鄉翁

山頭點墨水邊沙
函舫人烹穀雨茶
一點一峰重一點
壽如盤石點如麻

我有一卷經狼藉在天地
瓦礫盡玄詮誰云不識字

却來馬上夢揚州

新篁落籜透黃芽
乳燕啣泥補舊巢
我欲入山天故雨
遊裝打疊又開包

十八日題石公倣黃子久筆法爲聞指院禪裕大

師賦

黃子性天真筆氣參幽獨
胸次具山川千里一起伏
乍窺似之者無乃得其肉
人生苟自強洒墨卽林麓
赤體絕覆藏恥彼依墻屋
我師紈袴兒少壯本華族
鼎已化爲龍伊何頭不禿
追隨方外遊五味恣飽腹
保社莫能羈法苑忝良木
爐苔與竈蛙觀者彌艷服
傾筐滿詩函窮橐少金玉
展軸愛娛賓精貫剖麥菽
今將耳順年鼻息不受蓄
花落復花開甲子如轉轂

裕翁山居偈有香鑪裏面長蒼苔竈

口青蛙跳出來之句觀其枯寂若此故人皆高其風也

十九日黃山歌

有序

聞指院茂彰道兄享我以珍珠菜自云此乃黃山石
上之物也頗有一種烟霞之氣薰人肺腑喜而有作
黃山松勢如龍珍珠菜味如肉我將乘此龍食此肉踏
遍奇峰三十六

二十日題画

有序

乙亥三月之望將登黃山道出巖市雨阻聞指院旅
中無事作画十二幅各按景成詩觀者當索我於驪
黃之外也

雲白若兔起眼明如鶻落此際有真詩信口誰道着

默想富陽城眼前橫一塔太古有遺風漁樵聲不雜
興酣落筆時無可無不可非我學雲林雲林來學我
人窮始知命馬老方知道執鞭非不爲聊以從我好
我有一古琴愛之嘗在膝自彈還自聽與他若膠漆
家在流泉上身在流泉下日暮渡危橋努力須自跨
禪翁領其徒卽元彰也挾我登新橋卽巖鎮新橋也三人步皓月一
塔懸青霄

泉縷縛松濤鬱勃怒而吼老衲若厭聽遶石自持咒
山寺日斜初石冷水清淺獨立小橋邊聽鐘頭自轉
人鬚三尺冰馬脚千尋雪愁望玉關西飛鳥烟中滅

黃山遊草 卷之二
漁父手橫篙有力大如虎一領破蓑衣攪亂千江雨
山好落塵中有眼何曾見與君洗素心一叩空王殿

二十一日同雲若程叟登巖市新橋看鷓燈
天垂無極混茫初入夜燈燈貫碧虛想是人心多巧偽
伏羲重演結繩書

聞道三禪劫石枯拈來大地一塵無春燈直射天河曉
水火重開既濟圖

二十二日與德求鮑老居士約遊長翰山觀瓔珞
松

會聽山樵石上談滿身瓔珞掛寒潭明朝要駕蒼龍尾

聊藉先生作指南

二十三日同德求道翁遊長翰瓔珞松喜晤晉甫
程老居士

此地文風屬孟陽至今屋脚草猶香三人物外誰能匹
口許奇松共石床

地屬孟陽先生里中孟陽先生
即虞山錢牧齋先生忘年友也

二十四日巖市新橋晚步

日落春犁歇柳腰秧針酣雨未成苗老牛偷解村童縛
自挈繩頭過板橋

二十五日在新橋書所見

橋畔灘聲壯老懷春畦白鳥去無涯此鄉何物堪消悶

坐看山農放木簿

二十六日自聞指院曉發

出門一步卽天涯回首浮雲兩地遮
薄暮不堪愁裏別前山開遍杜鵑花

二十七日自潛口過佛子嶺

步入蒼茫佛嶺松此中有路採芙蓉
丁寧記取無頭塔潛口千家對午峰

二十八日過上楊干村

斜日催人背面看身依崖谷轉千盤
途中恰有騎驢客指我楊干好掛單

宿楊干寺

知命將臨欠一籌客心填滿五更愁
時逢三月初交夏處處蝦蟆當枕頭

二十九日晤雲樵曾侍兩先生

旅客交遊得二難半牕山色共凭欄
囊中一尺零星稿獻醜樽前不敢瞞

相我知君不相皮平生脫略性無羈
明朝乘興能來否瓦罐有茶僧有詩

三十日題面爲楊干悅可老宿

三宿楊干閣釣竿主賓道合勉加飡
不辭澗墨酬茶債

又恐時人作面看

四月

初一日壽悅公老宿

悅可翁矢誓斷指復新舊刹余適屆此地恭逢其盛
謹述一律以頌厥美

我生行邁轉飄蓬千里崎嶇見此翁破瓦漏天疲舊業
短垣除草醒顏風揮刀斷指連心赤滴血穿雲染寺紅
微物不堪將獻壽萬年松在布囊中

曉行越牛口坑過黃道橋

競同樵販各爭鞭前者行遲後者先澀澀盤山隨磨轉

遊人一貫嶺頭穿

午後雷雨大作與擔夫行二十里夜宿水晶菴

暴晴天氣汗沾柳鶻突今朝氣不舒半嶺小蛟拖雨過
擔頭濕我破圖書

樓頭客醉倚牕前看我淒淒冷縮肩破笠小包僧半個
半身沒入米家烟

初二日至湯口遙望湯池

死死生生身後身還期入水悟前因胸中洗盡空無物
東海揚塵不起塵

上雲谷坐亭上望九龍潭

黃山遊草 卷之二
千巖流出漸汪洋想到源頭只濫觴一跌一潭潭九跌
盤渦盡處黑蛟藏

至步雲亭

鳥愛呼僧到白雲亭空相對兩平分閒行踏着山中趣
誰厭涼亭對夕曛

客司懷先入山得蕙蘭三穗贈余以慰旅况

幽香採得近潺湲繫我荷裳作珮環拂袖看余千嶂頂
碧霄徐步響珊珊
觸物無聊意倍傷勞君贈我委空囊邦家自古才難日
可惜無人薦此香

鉢盂峰看曉雲

峰削青天若破瓜誰將鐵筆掃晴霞苔斑石縐乾無土
不雨雲根自發芽

初三日步雲亭曉望

名山固不同望之若可畏雖然童子松亦有老成氣

雲谷澗中浣衲

珍御當年也着來身披敝垢莫相猜從空擲下袈裟角
費爾滄溟水一杯

有客滄浪濯素纓至今猶愛擢歌聲碧潭照影重翻譜

天台浣衲於赤城黃山浣衲於雲谷中 兩地吳僧浪得名

初四日雲谷出坡

草馬騰巖谷

天台名草
履日草馬

魚柳關竹林雲增衣帶濶水漲

耳門深運甕千秋志擔柴一壑心無聞慚矣已四十到
如今

初五日薄暮與懷先明空本來繼超諸道侶觀九

龍潭喜晤天臺默菴和尚

老龍潭遇石頭陀一見投機語不多千古風流推我輩
荷衣揖讓進烟蘿

初六日能雲道兄乞回

溪邊路滑步難登林麓空濛薄霧蒸偶喚小童連谷響

隔山翻笑有人應

初七日大雨同繼超道兄澗中看水

路從坦處走潺湲白石如羊草際閒緩步不隨流水競
落花催我過前山

初八日在雲谷浴佛一偈爲壽

不着王家舊袈衣白駒也愛雪山薇金盤浴汝原無染
翻把清泉惹是非

初九日題本來道兄扇頭

鳥有巢兮魚有床風光輪與謝三郎

古德有釣魚船上謝三郎之句

牽荇藻舟難進此景分明是我鄉

黃山遊草 卷之二
初十日晚過步雲亭看海棠

蝶繡空山草帶長杖頭雨歇轉晴光一瓢到此人如夢
十里香風醉海棠

十一日題函贈雲谷監院素心

雨洗松身濕不分閒僧定處暖苔紋獵村近寺人都善
一日鐘聲兩度聞

烟屑霏霏糝樹輕樵家屋背野泉鳴山頭一事人難信
雲片如船載塔行

旅舍寒烟弔影孤驅馳人馬共同途雪花打手鞭梢落
不覺堅冰嚙我鬚

征車授命各先鞭千里王程二子賢何日金門能拂袖
綸巾掛我老松巔

花落隨溪遠屋遲暖香風送步差池回看竹罅烟生處
記得山家煮繭時

口呵肥墨噴蒼苔筆到流泉起薄雷懵懂樹頭僧不見
殿門寒向雨中開

黃山山骨瘦如柴一半嘗拋霧裏埋開眼惺惺不是夢
奇峰撞入野人懷

四十無聞尚草萊自憐老負女媧才蒼天補處今還漏
我到黃山鍊石來

木末山樵雨罽穿草鞋撩過幾重泉想渠帶濕煨鑪火
歸抱柴頭作枕眠
極目蒼茫水接天岳陽樓外洞庭船三吳地狹愁難寫
欲趁風帆放大川
閒撫孤琴貌自矜七條絃冷峭峻嶒此聲已絕誰翻譜
獨許先生奏廣陵

五月十二日雨中至天紳亭暮抵雲谷

衲染青苔雜雨痕潑天高興與誰論雷聲脚脚翻溪過
撥盡寒雲見寺門

羽蓋蘭橈泛泛行近來登眺盡虛名今朝悟得看山法
雨打蓑衣却勝晴
風捲焚輪水倒盤小蛟濃睡閉幽湍第三潭上誰能到
絕壁無人鳥獨看

今朝

今朝又不晴聽雨成舊習修竹亞千竿寒泉高一級

十三日孤燈

衰年就枕百思量反厭孤燈照慚愧簷頭苦雨暗投機
打著愁人心裏事

十四日坐澗石上始聽音樂鳥

山中韻府部諸禽想到夔龍典樂心律呂自調非造作

不勞絲竹費清音

下山路聞音樂鳥時晤朗先於九龍潭上

風吹一陣怪龍腥絕壁逢君出四屏相對不須彈雅操

衆禽合樂兩人聽

坐聽絃管自徘徊醉我愁心勝舉杯小鳥也知與衆樂

音落樹頭呼取一羣來

到九龍潭因懷鴈宕龍湫之勝

面激空門那一漚在風丁倒舞龍湫驚看匹練喧雙耳

提起胸中活水頭

聽音樂鳥

遶砌生芝象太平山中獵戶勝干城自欣德化獮猴國

坐聽禽言告九成

十五日聽朱非聞話楊州鸚鵡感賦

念我鸚哥敢一言幸寬羈鎖返丘園故巢母死兒心盡

碎擲紅顏報主恩

秦州老鸛吟

有序

秦州叢木上有二鸛抱邠將雛有奸民以爲奇貨可

居候鸛他出梯樹探巢以鵝卵易之鸛尚保爲已子

及破

殼之夕然

知非我類鸛父叫嘯九天聚其鸛族百

輩環木而視掀翅蹙額不勝憤激卽將二雛痛奮老

奉屍磔其體以徇衆鸛鸛母垂頭喪氣瞪目不鳴良
久觸地而死鸛父守巢三載不辭風雨遠近觀者莫
不哀之有老僧歎曰奸民啗利害物靡悔彼蒼有知
豈無報應一日奸民過菴下有樓瓦不風自飄飛擊
其首腦裂而斃是夕鸛父遂翻然而去朱非聞曾客
於秦目覩其事爲余言於雲谷山房書之以爲日記
殼裏誰知呂易羸羞稱母道未分明吞聲一死酬高節
弔影三年守舊盟旅食養兒期反哺覆巢遺卵漫勞生
推敲老鸛詩難就苦雨愁心戰五更

十六日朱非聞手製紫霞茶片與諸道侶試於傳

鉢堂

焙茶方法得奇傳松火鑪頭炙乳泉兩肘風生清道骨
木蓮香證紫霞禪

十七日晤雪莊大師兼懷雪鷗道兄

興披崖谷杖頭寬採得幽人復採蘭話到雪鷗毛髮冷
此公情性本來寒
兩肩披髮似佯狂詔許巖栖臥石床一覲宸宮還拂袖
荷衣不改舊時香

登光明頂

山光醉道人日斜更酩酊狂拈破草鞋高掛光明頂

山次坐蒲團松

愛此十八公結個蒲團樣盼盼等我來全身塔其上
人生若鷓鴣一枝意頗足要知世界寬大家須閉目

有客善画蒲團松者戲題一絕

墨肥画老松貌如韓幹馬雖云肉太多軟似蒲團者

十八日宿雲舫聽音樂鳥

嚶嚶勸我飯胡麻坐聽簫韶補歲華一等庭中歌八佾
此心不愧季孫家

閱雪莊大師黃山圖題比秀峰

烟霞爭向筆巔開料揀名巒點碧苔曉霧偏能勾石法

一峰皴出兩峰來

十九日題石人指路

皮蓬卽是趙州家鳥喚遊人去喫茶指出路頭偏直捷
姬公不用指南車

二十日與諸道人揀茶傳鉢堂

滿筐烟霧香撲落旗鎗墜孤根吸露寒勁骨矜霜翠潛
身修火候變質陶冶中味涼得奧旨元氣何冲融悲哉
物理固難窮大道無嫌揀擇功

二十一日與諸道人入山採茶歌

採薇莫療飢西山二子貌不肥採蓴莫御寒秋風故里

思漁竿採茶莫爲名身浮一葉千秋輕日暮歸來愁殷
床隔水松聲如鼓篁

二十二日大雨到九龍潭

峽束羣流萬水宗朝來爲我洗芙蓉分明夏雨翻鴉背
白晝吳天掛亂龍

二十三日送朱非聞還潛口

危磴同君接足行禪房此會勝三生山亭沒帽前灘樹
古來相送直待行人帽沒而止分付流泉送一程

二十四日採茶望天都峰

茶芽采采泛樵途好鳥多情隔樹呼山惱夕陽曛太醉

渾身靠倒倩儂扶

二十五日採茶

負壑行吟逐水迴老茶巖縫是誰栽朝陽晒面花初醒
剛被嬌鶯喚起來

二十六日與諸道人中園採茶失伴相尋沿流得
句

采采提筐帶露行互迷岐路問樵丁呼僧隔嶺無人答
汨汨空山薦水聲

二十七日到九龍潭

乞身投老到天都自笑空囊一物無妄相忒奇堪絕倒

欲沉潭底探駟珠

二十八日與雲谷諸道人種荳

種荳南山趁晚晴少年有志學縱橫誰憐老去搜泥土
託命長鑿共死生

薄暮喜晴

雨闌天欲轉晴容淺瘴還將半嶺封斜日暗偷崖背出
妬雲無處可逃踪

二十九日與雲谷諸道人挖茶園

倒携白木長鑿翻轉文章大塊夕陽人在茶叢天都峰
落我背

三十日聞指禪院元彰道兄乞函戲題

草勢東行帆脚西筆端無乃故相睽廬江向有分風浦

形影參差理自齊

因函中帆皆西向草又東
奔故戲題此作以自况

五月

初一日雲谷監寺素公囑筆題贈扶晨先生

乘興江都獻子虛飄然不肯就徵車秋來欲與黃花約
杖負南山候草廬

初二日招隱亭東懷扶晨先生

宣室曾聞詔賈生脫身林下又更名

大駕南巡還宮注
念先生思欲擢用

因先生易其故諱吏部
編訪不得 聖恩遂寢與君黃海堪偕隱野服同裁薜

荔輕

初三日採野茶口占一偈示諸同學

赤手登山不借藤氣衝鳥道興堪憑上根直截人難湊
故向枝頭覓二乘

初四日雲谷諸道人第一記遊

同懷先能雲能度普周恒學見愉本來德菴諸道人
繇船舍過錫杖峰大小兩鉢盂上仙掌復登青鸞峰
而止下至半嶺雨脚遶身雲氣塞鼻是日所歷名勝
頗多恍惚不能殫述余旣以詩作日課故繫之於初
四日以詩繫地故曰雲谷以地繫人故曰諸道人也

復以詩代記故曰雲谷第一記遊也後當廣搜玄奧
始盡所韞云耳

諸僧會曉食杖笠鞋袋竟束裝等出征飛步若爭競肩
上繩十尋腰間刀一柄放膽擬凌空猛氣以先橫縱彼
脚力高笑撥雲根進導引藉來公即本師尺寸奉其令顧

嶮怯前行鼓勇看後勁指德菴師撒手蹈危機臨崖不敢更

平日話輕生此時却愛命

初五日竹枝歌有序醉舞新黃香韻不似珠璣

客歲與諸同社泛艇胥闔爭看競渡今掛瓢雲谷逢
此嘉節聊咏竹枝之詞少破旅中岑寂韻

我鄉舉國醉如狂人擁墻頭更打墻共看龍舟爭鴨子
砂盆潭裏鬪斜陽

處處人家蒲酒香小鬟粉額試硫黃看龍不怕紅裙濕
更欲移舟靠柳塘

鈺鼓蓼蓼唱採蓮六龍宛轉戲長川金闔門外人如市
十里紅樓壓函船

旅客思吳檻獨凭鉢孟峰上看雲蒸蒲根不醉榴無火

此山少石榴花五月山房冷似冰

初六日聽音樂鳥

一部鳴禽兩部蛙水簾翠捲碧窗斜
是日大雨窗中三落瀑燦若珠簾

番樂闋端陽過滿酌松蘿不用賒

初七日苦雨 有序

風雨侵淫麥牟告瘁行者下山不能刈穫

壟麥垂頭訴薄雷靈芽又向短苴開水無內外穿床過
瀑脚將伸屋裏來

初八日聽音樂鳥

幽棲石屋勝浮家笑領禽聲酌紫霞有耳不關興廢事
爲儂高唱後庭花

初九日到九龍潭

水落潭心個個穿風騷一貫理無偏此遊學得龍蛇法

歸去頻將草聖傳
初十日懷吳門有遵陸先生

夜來夢到上沙村
竹榻長髯對老髡
一事訪君難久立
後門敲了應前門

十一日到九龍潭

縮項寧甘老是峰
愁來何物寫心胸
一竿高插天都頂
餌擲寒潭釣九龍

十二日小定

有序

飯罷無事趺坐石
坪禪餘玩物作小定詩

小定石苔茵一刻等
一劫浮雲去來身
落花前後業水

語水相和鳥喚鳥
相接蟻王老槐根
蝶占海棠葉古今
江上萍天地履中
彙怡然湛太虛
眉毛蓋兩鬢一氣出
鴻濛兩間無不攝

十三日同懔峰道兄眼草鞋

有序

是夕久雨初晴
陽迴氣爽余興
灑然將裹草鞋
出戶
或曰公方連雨
出遊草鞋尚濕
今又勞此脚板
耶戲
答之曰我眼草
鞋耳懔兄聞而
喜曰此語可當
詞林
中一部鼓吹俾
海內騷人愛踏
晚晴者皆可題
曰眼
草鞋也
草鞋同眼步差
肩我杖扶行汝
自便耳聽談詩
山不啻

回頭錯過鳥銜泉
水聲牽耳耳根移
偏愛晴光繫我思
瀑走峰頭無理路
從空一跌替君危
頻歌小雅憶周行
高枕溪山聽夕陽
莫怪當年長夜客
道人今日也禽荒

十五日到九龍潭

又翹一足坐天紳

天紳亭名也

今日依然昨日人
若不瀑花

噴滿面青山何事起
堆塵

十六日熊槩菴和尚塔前拔草吟

有序

嗚呼哀哉瓊林苑裏三百六十人
揚鞭鳳闕走馬天

街今則不見一人抑何松柏之蒼蒼
耶身歷諫垣直

言無隱批天子之逆鱗
喪權臣之奸膽今則默爾無

聲惟聞流水之淙淙
耶人稱白面書生世羨風流學

士今則白骨蕭然
但見山花開落野鳥悲鳴而矣嗚

呼哀哉侍章帝而言不用命也
相唐王而事不成數

也觀世務之已去而保身全節
削髮青山時也不得

以周公孔子之禮樂而移風易俗
姑假臨濟德山之

棒喝而吐氣揚眉權也嗚呼哀哉
吾師令

吳江日余尚未入潘

氏之襁褓

而我父而我祖皆爲吾師之黎氓
而吾師保愛

之心不啻如慈母之育其赤子也今吾師以國難爲
僧而余亦家貧入道一身落漠千里空來而欲與吾
師塔前加一抔之土獻一盂之飯力不能也而欲與
吾師塔前少稽其首一拔其草力可爲也夫力不能
爲而欲強上聲爲非道也力可爲而不忍爲非義也我
將遶塔三匝盡拔其草以快吾師之憤伏惟鑒我之
誠憐我之力耳

事到艱難敢惜身丈夫誰願作良臣吾師胸次無明艸
一個延儒一體仁

十七日熊檠菴和尚塔前拔草吟

當時若肯受廷爭天下須教掌上平有物礙人留不得
爲君拔取眼中丁

十八日熊檠菴和尚塔前拔草吟

紛紛議論等如閒剪患先將國賊刪詔下驚傳廷杖日
一時朝野痛魚山

十九日到九龍潭

濕縮雲中喚不回空濛隔面要人猜分明聲在衣裳裏
抖出清風一片來

二十日在覺菴犁田

黃山腳下水雲堆南畝扶犁細雨來我賤敢嫌牛後恥

東郊天子亦三推
南浦春風翠綠
雨寒
東郊天子亦三推南浦春風翠綠雨寒東郊天子亦三推南浦春風翠綠雨寒

二十一日眼草鞋田

冷抱晴光曳杖迴
身輕脚底襯乾雷
峰頭變色如翻掌
雨打青天一角開

二十二日函贈圓明道兄

負手聽泉豁我胸
小童作伴替扶筇
藏身黃海堪怡老
瘦瘦峰頭矮矮松

二十三日宿雲舫兼懷雪鷗大師

不肖匆匆一宿休
把詩重過勝前遊
近來海內無禪子
兩口時時共雪鷗

二十四日宿雲舫兼懷雪鷗大師

語淡山雨落燈花
此夕頻將韻學誇
鷗兄精于四聲
想到故人愁不奈
獨橫長笛向金華
近聞鷗兄在金華蘭溪之間是夜與雪莊師作梅花三弄

二十五日別雪莊大師下雲谷

出門相對髮垂肩
二老風流話已傳
一步一談忘足禁
賺君走過幾重泉

夙與皮蓬竈有緣
到時恰好飯頭邊
杖藜暫去休勞送
乘興還來趁榻眠

二十六日與雲谷諸道人墾豆草

亦是刪詩手翻爲刈草傭
肩鋤依獨樹荷笠對諸峰
食

力修慚德謙光補怠容晚歸收殿最展拓任微躬

二十七日與雲谷諸道人墾豆草

只此鋤頭可化民讀書更覺喪天真尼山脚下顏曾裡

我與樊須兩小人臣報命致時風於外許士村等

癸亥五月十八日招隱亭東懷扶晨先生

丘中無伴獨含情幽賞誰同月旦評恰喜一峰知我意

隔雲招手喚先生仙掌峰一名招隱峰

忍使推頽蔓艸居寒裳遶塔自携鋤當年未了心頭事

敢為先生一掃除雲岫兼對雲岫大禪

赤石三十日靈錫泉觀火魚

齒漱寒泉數碧鱗清光照我坐禪身遊魚自得虛空力

穿過欄干不礙人

六月不西谷六月不西谷六月不西谷

初一日雲谷監院素公送新麥至雲舫

麥將水磨碎雲根挑上重巘破蘚痕乍喜素公修薄供

薦新來打定僧門其中

余同素心德水二道侶晤獅子峰默菴和尚

簷前青影落屋瀉一峰輕門對飛來峰過澗多猿跡穿雲儉

履聲愛賓欣接杖拭涕自炊鑊食愧無兼味盤食見苦

情... 獅子峰放光記

余同默翁及素公縱眺獅峰別壑旋見谷底如烈火

然林颺燄騰上其中輝暈數十重重各異色而四山

交艸木山石皆作紫翠金碧之態少焉雲族虛頽祥光

陰翳頃則鮮滌之槩過於前倍如是三隱三現變幻

百出不可名狀咸各駭愕驚歎稱希有事余既欣逢

此瑞豈可緘口自悶以昧造物者之奇功乎謹述五

言一絕并為誌之即乙亥六月之朔未時第三刻也

赤石晒乾坤驚疑愧小乘日銜光五色碧落遶三僧

初二日同監院素公遍遊後海門一帶奇巒薄暮

行歌採松而返

危崖跨嶮出生機擲石身疑有翼飛此日吳儂真胆大

助君縛得老松歸

宿雲舫汪半亭先生聽余弄笛依韻酬和

入夏渾忘暑流螢照夜時笛憑孤閣放風定一星移樹

掩殘燈壁窗開宿鳥池愛君能靜聽湘水澹相持

初三日宿雲舫弄笛

薄技無辭獻雪公愛余僻有道人風獨橫長笛人天際

呼起千山出夢中

初四日與汪半亭程恒益重遊獅林及始信石笋
探奇隔宿又重登勝比前遊進一層微雨苔生樵磴滑

古潭龍去石梁崩林因却暑垂寒瀑路欲通人接瘦藤

此夕看山如得地程公指上證初乘程恒益祖居湯口此日勝遊藉其導

引蓋一樹一石無不搜討殆盡

宿雲舫汪半亭先生戲作楚歌余亦倚笛相和

燈前談劍識英雄短笛長歌拍拍同此夜先生如中去聲

酒先生善飲而連日無酒故戲為此句分明鐵板大江東

初五日與湯口程恒益下雲舫飯傳鉢堂而別

喜近文人染墨香與程恒益同客雲舫觀半亭雪莊闢韻作函滿肩圖函壓

滄浪與君一飯聊同客互勸加餐敬菜湯

初六日與雲谷諸道人晒經

世有無手人方能晒此經世有無舌人方能誦此經此

經不在天北斗藏大千此經不在地江湖日流注此經

如佛說六月火中雪此經非佛說滴滴心頭血小子不

敢誇虛空霹靂當頭棒小子不敢讚恐誤蒼生坐塗炭

或曰掩黑豆笊籬盛水原不漏或曰扯葛藤絆倒西天

碧眼僧經兮經兮且復且此非筏兮彼非岸堪笑趙州

空遶床只與婆婆轉一半

空遶床只與婆婆轉一半

初七日與雲谷諸道人晒經

如來底事沒心肝五色光非在舌端抖亂真經無一字
風吹高掛樹頭看

初八日與雲谷諸道人晒經

太虛有段好文章信手頻翻倚石床三伏晒來成一片
本無函蓋莫收藏

初九日與雲谷諸道人晒經

把火燒經烈炬紅怕君埋沒紙堆中我今不用輕彈指
樓閣門前有路通

初十日與雲谷諸道人晒經

涼風洒面卽菩提忽見靈山未散時黃鳥解能酬半偈
隔溪啼過落花枝

十一日贈破草鞋

有序

彼破草鞋者佐我兩登後海門犯危越嶮弗憚驅馳
可謂勞矣一日擔柴雲谷山中忽焉告倦勢不能復
履姑將棄於道傷情若不忍乃口占一絕揖以贈之
庶幾少慰渠窮途怨慕之思亦并釋我旅遊惋惜之

意云耳自林題

草鞋同命兩無家黃海頻煩踐晚霞半路相拋君莫恨
飄零我亦在天涯

十二日誦華嚴經至十迴向品

剎塵身滿剎塵收一曲無生絕唱酬水涵蒼天作迴向
依然仰面自淋頭

十三日與雲谷諸道人墾豆草遇雨而返

豆苗欲沒草平肩督役南山整舊阡倒捉短鋤穿電脚
逐他雷雨互爭先

十四日汪半亭先生結夏雲舫喜寄一絕

欣逢名士趨僧懷臭味相投語笑諧老句近沾蔬笋氣
也知蘇晉好長齋

十五日雪莊大師遣陳一芳送葛衣至報謝二絕

閒推人品愛君高杖倚清風頌木桃近念范公三伏裏
寄來絺綌勝綈袍

體薦涼風細葛含傷人爲我替生慚幾思反趙憐高義
留取山中作美談

十六日九龍潭

雷出蛟潭響夕曛波翻鶴背九臯聞亂絲一把愁難斷
燕尾空勞剪白雲

十七日看蠅螂轉丸

陽燄堆中苦浪遊營營逐臭不知休可憐滾到塵沙劫
問汝何曾識地頭

問對十八日雲谷道上雨後作

黃山無水路為水黃山無路水為路樹頭雨過瀑生根
片片懸崖飛白布

燕巢十九日到九龍潭

誰能寫我看雲身向壁支願得句新奇語瀑花休弄嶮
平平流出自驚人

留題二十日與雲谷諸道人潑蘆菹山

老貪圃趣學刀耕種植年來理漸精風土如人能換性
此山蘆菹火中生

開對二十一日江夏應谷鍊師病起過寮謝別劇談武

夷之勝

道士南冠憶故鄉病中喫我草頭湯

鍊師病瘡余以雲霧茶煎湯飲之而

遂愈坐談九曲消殘日雲抱青松過短墻

二十二日仙燈洞

洞門光獨耀清晝一燈明鳥語調新律猿啼續舊盟高

巖垂石乳黑水闕陰精穴裏誰先古塔前忍草橫

二十三日誦華嚴經至十地品

閒吹短笛不騎牛豐草長林得自由糞掃堆頭珠一顆
賺君歡喜賺君愁

二十四日曉望仙掌峰

陰陽機杼催日月車輪轉乾坤一掌中半寒還半暖

二十五日聽蟬歌

吳地蟬聲長驅使遊人心自傷黃海蟬聲短迫促遊人
愁欲滿蟬聲不長長在人啼處年年只舊貧蟬聲不短
短在樹夕陽又照原西路欹枕山窗轉復斜思邪思邪
蟬思邪

二十六日草鞋歌

草鞋新蹠蹠輔足欣載奔草鞋破吞聲墮地筋已露賤
子唱駟歌草鞋宜靜聽汝與天下價同高堯舜巢由名
亦稱去聲五霸爭衡尺寸分蠶食羸秦獨乘勝此際蕭然

橫大路行旅見之渾不顧天地有朝還有暮自古人情
君莫妬

二十七日德水道兄言問政山擊竹菴有松甚奇

此余西隱庚兄之舊物也書此以當懷人

青松手織獨爲林徑尺離盆勝百尋午夜聞雷思一奮
床頭吐霧濕孤衾

二十八日東懷招隱亭汪扶晨先生兼謝惠扇

閒名不向老樵通誤落先生耳竅中白扇打開無一字
神交百里自同風

二十九日謝汪扶晨先生惠墨


半世消磨淡墨天
函如摩詰草如顛
晴窗落筆生風雨
漲起黃山十里烟

三十日湯口程恒益修書送茶誌謝

裏梅花落碎冰海門浪嶮杖同登高人故事翻茶帖

箬葉包春餉野僧





原件短缺

卷3-卷4

